



Von Den Kranckheiten, so den Menschen der Vernunfft natu?rlich berauben, sampt jren Curen,

<https://hdl.handle.net/1874/436787>

2
Von

Den Kranck-
heiten / so den Menschen
der Vernunfft natürlich bes
rauben / sampt iren Curen /

Philippi Theophrasti
Paracelsi, des hochehrfarnen
vnd berühmtesten Philosophi / vnd
beyder Arzney Doctoris.

Mit fleiß corrigiert / ergenzt / vnd wider
in truck verfertigt / durch
Doctorem Coxiten.

Die Kay. May. Freyheit

Getruckt zu Straßburg bey
Niclaus Wyrion.

M. D. LXXVI.

Benjamin Franklin

Author of the Autobiography

Philosophical Experiments

London: Printed by A. Millar, in Pall Mall, 1751.

Dem Hochwürdigsten
Fürsten vnd Herrn/ Herrn
Philipsen Flachen/von Schwarzen-
berg/ Maister S. Johannis Dre-
dens in Theutschen Landen
meinen gnedigsten
Herrn.

Schwürdigster
Fürst/ Gnedigster
Herr/ Es ist ein
alt herkommen bey
den alten Väter-
tern/ Juden/ vnd
Haiden/ das hohe
Personen/ so auß frembden Landen/
schweren Kriegen/ vnd grossen ge-
ferligkeiten mit glücklicher wolfare
wider zu iren Verwandten/ vnd
Vnderthanen haimkommen/ von
menniglichen alle ehr freude vnd
Triumph in viel weg erzeigt wird.

Dieweil dann E. S. G. nit allein
von schweren/ sorglichen/ langwiri-
gen Kriegen/ vnd grosser Leibs ges-
fahr

Vorrede.

fahr so sie viel jar her wider den Erb-
feindt der Christenheit mit grossen
lob haben außgestanden (dardurch
sie auch mit vilē andern Ritter brü-
dern in der Feindehend/ vnd gefenck-
nus geratē/ auch darauß durch Got-
tes gnad wider erledigt worden/ vnd
vilhohe sachen darnach vnerschrockē
verricht haben) glücklich wider in
Vatterlandt ankommen/ Sonder
auch von wegen der Adelichen Tug-
enden/ hohen Gemüts vnd Ritter-
lichen thatten (so L. S. G. alle zeit
in jren befehlen/ fürnemblich aber/
als sie General Oberster vber die
ganze Maltesische Armada gewes-
sen/ daran des Ritterlichen ordens/
vnd ganzen Europen Glück/ Sig/
vnd Wolfart bis hieher gestanden/
als ein Teutscher vnuerzagter Held
mit grosser erfahrung/ dapfferkeit/
weißheit/ verstand/ vnd glück/ Wel-
che Gaben vnd Tugenden Marcus
Tullius Cicero in einem Obersten
sonderlichen erfordert/ Ritterlich
bewies

Vorrede.

bewiesen haben.) von dem Hochge-
lobten orden in Fürstlichen Stand/
Wirde/ vnd hochheit für andere er-
wehlet seindt/ So sollen billich alle
die/ so diesen Orden in ehren haben/
vnd das Vatterland lieben/ sich
hoch erfreuen.

Dann wie hoch solches dem H. Röm-
mischen Reich von nöthen/ das man
in diesem Ritterlichen orden vnuer-
zagte/ verstendige/ vnd glückhafftige
Fürsten habe/ wiedann menigke-
lich K. S. G. diese hohe Gaben zu-
schreiben/ beweiset die grosse gefar/
darein wir teglich je lenger je mehr
gerahten/ zu dem das dieser Orden
von seinem anfang an/ das höchste
Präsidium wider den erschrocklichen
Tyrannen gewesen ist/ was were
gantz Italia/ vnd andere Lender/
wie stünd es jetz vmb Teutschland/
wo hochgemelter Orden den gren-
lichen Wüterich mit gnad vnd se-
gen Gottes bisher nit auffgehalten
noch ime seine blutige anschleg hette

Vorrede.

brochen? Es seind je vnd allwegen/
wie noch heütigs tags/ bey den
Teutschen/ auch von hohen Perso-
nen/ erfarme/ dapffere/ vnnerzagte
Kriegsleut/ vnd Oberste gewesen/
wenig aber hat man funden die zu
Wasser sowol als zu Land Krieges
erfaren gewesen sein.

Dieweil dann L. F. G. für all
andern/ zu Wasser zu Kriegen diser
zeit den Rühm behalten/ Vnd L.
F. G. Ritterliche thaten bey allen
Nationen bekandt/ vnd offenbar
seind/ solte billich in L. F. G. wahl
des Adelichen Ordens fürsichtigkeit
gelobt/ vnd zu einem Exempel fürs
gestellt werden/ Wann man wider
den Erbfeind der Christen zu Krie-
gen Rathschlecht/ so würde es offte
vil besser zugehen.

Nach dem dann der frölichen
ankunfft L. F. G. ich als der ger-
ringsten einer mich auch erfrewt/
so hab derselben ich dieses Büchlein
Philippi Theophrasti Paracelsi zu-
schreyt

Vorteds.

Schreiben / dediciren / vnd verehren /
auch mein vnderthenigsten willen
gegen E. S. G. damit erzeugen wol-
len / vnderthenigst bittendr / Sie
wöllē diese meine Dedication in gna-
den annemen / schützen vnnnd schir-
men.

Dann ob wol Theophrastus ein
solcher Medicus vnd Philosophus
gewesen / das er noch vor andern den
Preis vnd vorgang behelt / von wes-
gen seines hohen verstands / Kunst /
vnd erfarenheit / vnd das in G. D. T.
der H. Er. sonderlich darzu hat er-
welet / das er den Christen vnd Teut-
schen Medicus sein solte / So haben
in doch etliche auß neid vnd haß / mit
vnbillichen verleumbden / schenden
vnnnd schmehen / verfolget / welche
die herrlichen Gaben / vnnnd grosse
Schätz der natur / So Christus die
ewige Weisheit des Vatters durch
diesen theuren Man den Menschen
hat geoffenbaret / nit wollen erken-
nen / Sonder dieweil sie seine schriff-

ten nit verstehn / muß bey jnen das
 liecht finsternuß / vnd die warheit die
 vnwarheit sein vnd heissen. Welche
 aber seine Bücher mit gedult lesen/
 vnd die arbeyt ohn verdruß für die
 hand nemen / die finden durch Got-
 tes segen / das sie mag erfrewen: was
 ist das einer ohn arbeit mag erlang-
 en? Wie solte dann den faulen/
 stolzen / vnd prechtigen die secreta,
 arcana, vnd mysteria naturæ, on alle
 mühe / arbeit vnd costen hinder dem
 offen offenbar vnd bekant werden?

Auß diesem Büchlein mögen
 L. S. G. sehen (wiewol alle seine
 schrifftten dergleichen seind) wie ho-
 hen verstand vnd weißheit Theo-
 phrastus von Gott dem Herrn emp-
 fangen / wie trewlich er den armen
 Francken gediect / das er nit bey den
 gemeinen Franckheiten bleiben/
 sonder auch die grossen / vn̄ erschrock-
 lichen plagen / vnd deren Curen zu
 offenbaren für die hand genommen/
 als diese fünff seind / so er alhie in die-
 sem

sem tractatu declamiert/ welche die
 sinn vnnnd vernunfft des Menschen
 natürlich wegnemen vnd rauben/
 daraus viler vnuerstande erkant
 wirt/ die alles den bösen Geistern
 vnd substitutionibus zulegen.

Nach dem man auch in den al-
 ten Büchern nit vil besonders von
 diesen Kranckheiten findet/ so ist bil-
 lich/ dieses Büchlein hoch zu halten/
 darin die höchsten Curen vnd medi-
 camenta erzelt werden. So dann
 diese Kranckheiten alle mögen natür-
 lich geschehen/ auch ire natürliche
 Cur vnnnd hülff haben/ So kan der
 Mensch leichtlich darauß erkennen/
 in was elend/ jammer vnd noth/ er
 geboren wirdt. Dann vor diesen
 Kranckheiten weder jung/ noch alt/
 weder reich noch arm/ weder hoch
 oder nider standes personen gefrey-
 het seind/ wie das die tägliche exem-
 pel anzeigen.

Wiewol nun L. F. G. auch setze
 daheim in der ruh mit grosser vnru/
 A v

Vorrede.

schweren sorgen/vnd hohen geschaff-
 ten des Ordens beladen sein/vnd den
 erschrocklichen Bluthund stets für
 augen haben/wie seinem vnersertli-
 chen fürnemen abbruch zuthun/mit
 hohem fleiß bedenden/vnd trewlich
 für das heyligē Römischen Reichs/
 vnd die ganze Christenheit als ein
 trewer Pater patriæ wachen. So
 bin ich doch vnderthenigster hoff-
 nung/Es werde L. S. G. erwanin-
 ser recreation auch ein wenig in die-
 sem Büchlein lesen/damit sie mögen
 erkennen/was Theophrasti doctri-
 na gewesen sey/welcher von dem
 Adelichen Stammen der Bombast
 von Hohenheim sein herkommen ge-
 habe/vnd seinen Maioribus ein sol-
 chen Rüm vnd Namen verlassen/
 der biß an der Welt ende durch Got-
 tes gnedigen willen bleiben wirt/da
 alle Teophrastomastige zu spot wer-
 den/vnd zu scheitern gehn müssen/
 Dann also ist es von Gott dem Her-
 ren verordnet.

Vortrede.

Der H^{er}z Jesus Christus/der
einig/ eingeborn/ vnd vnzerrente
Son Gottes wolle E. S. G. in lang^r
wiriger gesundheit/ glücklicher Re^g
gierung/ vnd aller wolffart vnsern
lieben Vatterland/ dem Hey. R^ö.
Reich/ vnd der ganzen Christenheit
zu gutem gnediglichen erhalten/
Gnad/ weisheit/ vnd verstand meh^r
ren/ damit E. S. G. bey andern Fürst
ten vnd Herrn die sache dahin bringē
mögen/ Damit ein mal bey den Christ
sten frid/ Ruh/ vnd einigkeit ange^s
richt/ vnd all jr macht vñ vermögen
wider den Erbfeind angewend wer^d
de/ Datum Hagenaw/ den 5. Jaⁿ
nuarij/ Anno 1576.

E. S. G.

Vnderthänigster

M. Loytes D.

Corices zu dem Leser.

Es ist diß Büchlein vor et-
lichen Jahren im Truck außgangen/
welches aber auß ein corrupten vnd
vbel geschribnen Exemplar gesetzt worden/
wie du sehen wirst/so du dieses mit dem erstē
conferirst/ Damit aber Theophrasto sein
Ehr restituirte vnd dir gedient würde/ So
hab ich durch den Wolgelerten/ meinen
guten Freundt Herrn Johan Husern von
Waldkirch/so zu Glogaw in der Schlesi
Medicinā exerciret/ dieweil er daselbst bey
Herrn Johaue Montano bessere exemplar
vnd gelegenheit hat/diß Buch Corrigiren/
vnd in integrum restituirn lassen/welchen
ich seines lobs nit sollen noch wollen berau-
ben/als ein sonderē Liebhaber Theophrasti/
wiewol ich das mein auch darzu gethan/wo
du aber noch etwan mangel finden wür-
dest/so wollest gedenccken/das es weder Hu-
seri noch mein schuld sey/ mehr haben wir
nit thun können/ Ich hab bissher in meinen
editionibus das geringst nit hinderhalten/
oder dauon thon/ Sondern wie ichs ge-
habe

Zu dem Leser.

habt/ also trewlich mit getheilt/ wie ich dan
auch/ wils Gott/ hinfurder thun will/ wo
aber je in meinen editionibus etwas auß
bliben/ als in libro de occulta philosophia
primæ æditionis wenig wort/ ist doch das
durch andere mir vnwissent in meinem ab-
wesen geschehen.

In dieser edition wirstu finden was
hin vnd wider vorhin außgelassen/ vnd ver-
setzt ist worden/ sovil müglich gewesen/ Am
end des andern Capitels de Mania hat
man Theophrasti schrifft nit wol künnen
lesen/ hab ich von wegen etlicher vrsachen/
gesetzt/ Sonn vnd Monz. Bringt einer
ein bessere Lektion herfür/ wil ich jm für
mein Person dancken/ hilfft mir dann ei-
ner mit Büchern/ vnd außlegung Theo-
phrastischer wörter/ Soll jm wider von mir
in trewen gedient werden/ Damit dem
H. Erren befohlen.

Inhalt dieses Büchleins.

Dieses Büchlein ist getheilt in
zwen methodos / im ersten wirt der
ursprung dieser fünff Kranckheiten erkleret/
So die vernunfft berauben / in fünff Cap
iteln.

Methodus I.

1. Von der fallenden suchte
2. Von der Mania.
3. Von S. Veits Tanz.
4. Von erstekung des verstands.
5. Von den rechten vn Sinnigen.

Methodus II.

Der ander Methodus helt in
sich die Cur vnd präseruation dieser
Kranckheiten in 6. Capiteln.

1. Cura Caduci.
2. Cura Manie.
3. Cura S. Veits tanz.
4. Cura suffocationis intellectus.
5. Cura insanorum
6. De präseruatione

Das Sibende Buch in
in der Arzney Philippi Theos
phraſti Paracelſi/De morbis
amentium.

Der Erste Tractat / oder Me-
thodus prima. vom vrsprung des
fallenden ſiechtagens.

Caput primum.

ND wiewol nicht
allein krankheitē ſein auß
der natur die vnſer corpus
geſchweren vnd vns vnſer
geſundtheit / ſonder noch
vil andere / die vns die ge-
ſundheit vnd die vernunfft nemen/das vns
das ſchwerest iſt/ dieweil vnd wir die natür-
lichen krankheiten an vilen orten melden
vnd betrachten/wievil vnd in was weg ſie
vnſern leyb beſchwere/wollen wir vnuergeſ-
ſen haben/ die krankheiten die da berauben
vnſer vernunfft/vnd vns die enſehen zu er-
kieren/ihren anfang vnd vrsprung/ dieweil
vnd wir durch die experientiam erkennen/
das

Vom vrsprung

daß sie auß der natur entspringē vnd wach-
 sen. Vnd wiewol die Götterischen verwe-
 ser solche frantzen bey vnsern zeiten in
 Europa zulegen den vncorporalischen ge-
 schöpffen vnd diabolischen geistern/des wir
 zuglauben vnd zuhalten/ noch nicht vnder-
 richt seind/ Denn vns die natur so vil an-
 zeigt/das vns solches fürgeben der jrdische
 Götter ganz absinnig ist/ als wir den in jrē
 Capiteln melden/vnd nach der natur dersel-
 ben außlegen. Vnd in sollichen frantzen
 zubeschreiben begeben sich solcher menschi-
 cher vernunft beraubung fünff/ vnd deren
 wir am ersten für vns nemmen den Gallen-
 den siechtag/ der dann nit allein eyn com-
 plex antrifft/sonder gar keyne/nit allein ein
 geschlecht antrifft/sonder alle/diser frantzen
 heit ist niemands zu gesund noch zu frantz/
 zu jung noch zu alt/vnd schadet doch der ge-
 sundheit des leibs nichts/ auch zerbricht es
 das natürlich wesen nicht/ dann auß der ur-
 sach/ das er mit darauff kompt/wie hernach
 volgt. Vnd wiewol das ist/das die frantzen
 heit vrsachet den tod vnd schwechet/das ge-
 schicht auß der vrsach/das jr scherpfte ein re-
 manenz

Caduel.

manentz h̄ inder jhr laßt/ in dem der tod ge-
born wirt ohne besleckunge der complexion/
vnd solcher fallender krankheit sein fünff
geschlecht vnder jnen/da ein jedes geschlecht
machen mag ein fallenden siechtagen vnd
wonen vnd sind in allen möglich/das ein ist
in dē hirn/das ander in der lebern/das drit-
te im herzen/ das vierd/ in den intestinen/
das fünfte in den gliedern. Nun wiewol das
also ist/das eins mehr tödtlicher ist/ als das
ander/ ist das die vrsach/das die ersten drey
die edlesten glieder berühren/ darumb leicht-
lich hernach volgt der tod/ als viel beschicht
das ein ein solche krankheit ankumpt/
vnd in dem ersten paroxismo stirbt/ des vrs-
sach gründlich hernach volgt/ das in dem
andern zweyen nit beschicht.

Diese
fünffterley fallenden siechtagen haben ein
gleichs bewegen vnd anbringen/aber nicht
auß einer materien/vnd haben ein gleiche
beraubung der sinnen/ wiewol die materi
getheylt ist/vnd wiewol der paroxismus vn-
gleich ist/ an etlichen mit grossen schaum/
an etlichen mit viel wasser/ an etlichen mit
offnen vnwandelbaren augen/ an etlichen

Vom vrsprung

viel trucken vnd krümmen / an etlichen
 stracks vnd vnderürt/etlichen mit schreyen/
 etlichen mit stille / etlichen gar gen boden
 wirfft mit gewalt / etlich schfftiglich nider
 sitzen. Vff solch ihr anzeigung ist vns vff
 zumercken / denn da ist ein grosser vnder-
 scheid / wo sie die krankheit befinden vor
 dem ehe sie fallen / vnd von der vernunfft
 kommen / vnd zwischen denen die ihr nit be-
 finden sunder gelingen onbesint nider fal-
 len / vnd von der vernunfft kommen / Ihr
 bewegung vnd anbringen ist solcher ding
 kein anfang oder vrsach / sonder das ist deß
 ein vrsach / das die bewegung vnd anbring-
 ung annimbt / als das hirn / nimbt sein be-
 wegung an / gleich als die intestinen / schas-
 det aber im ehe / auß vrsachen das die ver-
 nunfft in seiner region ligt / vnd von der ne-
 he wegen geschicht das wie obstehet.

So wollen wir jetzt reden von der ma-
 teria auß der die fallende krankheit kompt/
 vnd ist nicht allein in dem menschen / son-
 der in allem dem / daß das leben in sich hatt/
 das gleichwol also hin felleet vñ paroxismiert
 in form vnd gestalt als in dem menschen/
 vnd

vnd wiewol das ist/das etliche geschlechte der
 thieren sonderlich darmit erblichen begabet
 sein/vnd also eingetrucke/ das keins des ge-
 schlechts ohne solche fräckheit sein mag/wie
 wir sehen im Eychhorn vñ im Löwen/die es
 ohne vergehung haben/vnd viel geschlech-
 te der Vögeln auch damit beladen sein/ Als
 so auch in dem wachsenden/ da kein ent-
 pfindlichkeit/ ist diese krankheit auch inen/
 nicht in der gestalt daß sie fallen/ denn da ist
 das entpfündtlich leben nicht/ aber paroxis-
 miern gleichfellig den entpfündlichen/ als
 Baum die da zerspalten vnd vffflieben/ wie
 wir wir de infirmitatibus arborū & cres-
 centium sehen/ Etwan gar verdorre vff ein
 zeit/vnnd darnach wenn dieser paroxismus
 auß ist/ wider zunehmen vnnd wachssen/
 etwan gar absterben. Also auch von andern
 dingen zu reden ist/ das in allem dem darin
 das leben ist/diese krankheit auch möglich
 ist zusein/vnnd paroxismiert/ mit solchem
 vndercheid/vnd nach dem die Creatur ent-
 pfündtlich vnd vnentpfündlich ist/ Vnd
 die ursach zu wissen/was die vhrsach sey/das
 also in entpfündlichen vñ vnentpfündliche

Vom vrsprung

was das leben hat/ vnd an den paroxysmum
nit vergeht/ ist das die meinung: Kein nas
tur des lebens wird vffenthalten ohne den
spiritum vitæ in dem die lebende krafft ist al
er dingen/ als wir de SPIRITV
VITAE setzen. Also in gleicher gestalte
kein leben ist ohne narung/ vnd so alles das
so das leben hatt mit solcher franckheit bela
den ist/ so bleibt sie auch in der narung/ also
durch die narung wirt die commotion so sie
in den spiritum vite gemische wird/ Also
entspringt ein vrsach dieser franckheit/ A
ber ein andere vrsach ist/ das die franckheit
kompt von vffwallen der dempffen in spiri
tum vite/ vnd nicht durch andere humores
oder qualitates so auch im leyb sein / vnd
das also: Wenn der spiritus vite verwan
delt wird auß seiner rechten disposition/ so
ersiedet er vnd gibt ein vffwallen/ dasselbig
ist also schnell/ das es die memorij vnd ver
nunfft ganz zerstoret/ Gleich zuuersehen/
als wenn ein erdbidem kombt/ der den gan
zen boden erzittert/ also ist auch die franck
heit nichts denn gleich ein vhrsach wie das
erbidmen / vnd der erbidem kombt auch
gleich

gleich in solchen vrsachen wie die fallende
 franckheit / vnnnd ist kein franckheit die da
 kömmt auß der natur nach dem natürlichen
 lauff / oder auß vngesundheit der complexi-
 onen / oder zerstörung der humorum / son-
 der allein sie kömmt auß der vrsach gleich wie
 die erdbidem / daß terræ motus ist auch ho-
 minis motus vnd arborum motus / vnd
 allen deren die da wachsen / vnnnd bewern
 das also: Wir setzen die vrsach de terre mo-
 tu in vnser Philosophiam / vnnnd wie diesel-
 big vrsach ist / also ist auch die fallende franck-
 heit im leyb / also / so der spiritus vite siedet
 auß irzunge seiner proprieteten / also das er
 dempff machet / dieselbige erzittern den ganz-
 en leyb / denn warumb / er leidet / vnd die-
 weil er leidet / so leidet der ganze leyb / nie in
 vngesundheit / sonder in vnuernunfft / denn
 die vernunfft ist in im darumb wird sie zer-
 stört vnnnd syncopisirt / also lang / biß der
 gest vnd sudt verzehret wird. Vnd das sie
 zittern / schlagend / schäumen / das kömmt
 auß vrsachen / das alle glieder spasimieren /
 vnd ihr leben leidet / vnd ist franck / darumb
 sie auch leiden / 2c. Vnd wiewol verstanden

Vom vrsprung

Wird ein vnderscheid diser fallenden suchts
in fünff weg/ am ersten eine im haupt/ die
ist also zuuerstehn/ das der spiritus vite als
lein siedet im haupt vnd hebt deselbst an/
vnd so er also ein gest vnd in jm ein corrup-
tion macht/ so ist es ohn besint vnn ohn ent-
pfindung / die alle vernunfft geleht / dem-
nach werden alle glieder geschwecht/ dieweil
die wurzel des menschen leidet: Vnd
ist das zuuerstehn/ gleich wie in dem erdbi-
dem der an einem orth ist vnd nit in allen/
also ist auch die krankheit allein im haupt/
vnd betrübt alles das es anrürt/ als denn
das erdbidmen thut / der alles das erschütt
das er begreiffet. Desgleichen ist es in der le-
ber auch also ein sudt vnd gest / derselbig
befleckt den spiritum vite in der lebern/ vnd
eh er entpfindlich ist/ so ist er im haupt vnd
ganzem leyb/ also schnell als ein wind der al-
le geng durch geht/ Oder gleich ist zuuer-
stehn als wen ein tartarus felle in ein aqua
fort/ das denn alles ersiedet/ wie wenig das
ist/ also schnell ist auch der spiritus vite.
Desgleichen im herten ist der spiritus vite/
derselbig siedet vnd giert in capsula cordis/
vnd

vnd mag doch nicht vergiffen/wie ein erd-
 bidem nicht vnfruchtbar macht / es sey deñ
 das durch zerrütten vn erzittern den oberste
 gliedern ein zerbrechung geschehe/ als denn/
 auß der zerbrechung geschicht dieselbige vr-
 sach zum tod/wie ein erdbidem der ein hauß
 zerbricht/vnd doch nicht kompt auß seinem
 giff/sonder solchs auß seiner vbüg hat. Der
 gleichen zuuerstehen ist/ von denen die in
 den intestinis oder im bauch jr vrsprung/
 denn die franckheit hat ein wurzel von de-
 ren sie entspringt/wie ein kraut von einem
 saamen das abfelleet/stirbt vnd wider wach-
 set/ also auch ist ein wurzel in spiritu vite/
 dieselbig gibt ein solch gewechs darauß ein
 solche franckheit entspringt/vnd diese wur-
 zel mag ligen/ oder gefundiert werden im
 gangen leyb/ wo sie hin gesetzt wird/ in
 haupt/vnd entspringt deñ im haupt/ in der
 leber/ vnd entspringt denn in der leber / in
 der capsula cordis/vnd entspringt denn im
 hertzen/ Also gleich auch zuuerstehen ist in
 dem bauch/ das sie etwan im gedern oder
 in anderen enden ligt/ wo sie denn hinged-
 setzt wird/vnnd wo also diese wurzel hinged-

Vom vrsprung

setzt ist/da bleibt sie vnd kompt an kein ander ende mehr / denn sie gibt nicht mehr denn ein wurzel allein. Also in den gliedern auch zuuerstehen ist / das sie etwan in den henden / füßen / auch dergleichen angefest wird / vnd an denen enden entpfunden wird der anfang / der denn vffsteigt durch den spiritum vite in den ganzen leyb / Aber sich begibt auch das die wurzel nirgent gefest wird / auß der vrsach / das sie nicht so substantialisch vnd materialisch ist an jr selbst / das sie fix vnd bleiblich mög werden / sonder sie bleibt im ganzen leyb vnd fellet vnbedacht in die vernunfft.

Vnd wiewol wir jehund gefest haben stete vnd vrsachen wo vnd wie sie kommen / so wollen wir vom spiritu vite reden / in was gestalt derselbig vergifft / das er also etwan kombt / vnd etwan nicht / vnd zwischen dem paroxismo kein entpfunden ist noch vngesundtheit / das geschieht also: Solch fallende franckheit werden in mutter leyb geborn / da sie ihr wurzel setzen / vnd den kindern eingebildet wird / vnd mit ihnen vffwachsen / vnd das also: Auß schwache der
sperma

sperma vnd vnordentlichen breuchen / vnd
 bösen regiment / wirt der spiritus vite in
 solcher gestalt nicht vollkommen als er sein
 solte in dem Kind / vnd auch von jhrem vn-
 gesundtheyt der spiritus vite ein erbtheil:
 So nuh das Kind mit im begabt wird / vnd
 der spiritus vite vollkommen in einem ist/
 so treibt er von jnen sein vnbequems / wie-
 wol er das nicht mag aufferhalb des leybs
 treiben / so treibt er es doch von jm also lang/
 biß alles vnbequems an ein orth kombt / wo
 es denn der dispositiō vnd virtuti expulsiuæ
 am geschicktesten ist / oder hinselt / da behelt
 er denn die wurzel: Vnd wiewol das ist/
 das er nicht von stund an erzeigt wird / auß
 vrsachen / das die wurzel nit alle mal starck
 genug / groß genug ist / das sie möge von
 stund an jr giftigkeit zeigē / sonder erwachse
 vnd erstarckt / daß etwan in dem sieben-
 zigsten jar erkennt wird / vnd das auß viel
 andern vrsachen wegen / da die natur vnd
 gesundtheyt des leybs regiert / vnd gut regi-
 ment / vnd was denn mehr also ist bey den
 menschen. Vnd wiewol das auch ist / das
 etwan ein solche franckheit einen ankombt

Vom vrsprung

vom erschrecken/ das ist nicht ein vrsach
das die krankheit auß einem schrecken ge-
born sey/ sonder sie ist vor in einem gelegen
mit der wurzel/ vnd ist angezündet worden
durch das erschrecken/ das denn den spiritum
leset vnd sieden machet. Also auch von
freunden ein solches geschehen mag/ durch
verenderung des spiritus vite der darzu in-
clinirt ist/ Also auch durch andere zusehl
solches mag geschehen/ Vnd also wollen
wir auch verstanden haben/ von dem/ das
es nicht allmal weret/ vnd zum zittern kom-
met/ als durch bewegunge der influenz die
den spiritum vite hatt zubetrüben/ zuschwe-
chen/ zu mindern vnd zunehrn. Desglei-
chen auch durch den spiritum vite allein
kömmt in der gestalt/ so die wurzel vff ihren
vrsprung kommet/ so macht sie den paro-
xismum/ vnd versiedet bald/ demnach so
bald er ein andern auffbruch gemacht hatt/
so macht er aber ein paroxismum/ gleich als
wenn ein regen köhlet/ vnd vergehet/ dem
nach ein anderer mehr köhlet/ also wachset
das auch in spiritu vite/ vñ bricht auß nach
seinem gewechs/ demnach nach seiner krafft
te vnd disposition mehret es sich aber an.

Was von solcher Franckheit mehr zuuers
 stehn ist/ vnd gemerck't soll werde/ sehen wir
 in secunda Methodo de Cura/ da wir mel-
 den das vnmöglich ist zu hailen in der wur-
 zel / aber wol möglich zuuerstellen / das
 die wurzel nimmer wach's / als ein baum
 der abgehawen wirdt / vnd die wurzel im
 erdreich vnuerfört bleibt/ in ihrer materia/
 aber nicht in der natur/ wie wir weiter mel-
 den.

Das ander Capitel/ Vom vrsprung Mania.

Wiso auch von der Mania
 soll gered werden/ die da ist ein verren-
 derung der vernunfft/ vnd mit der sün-
 nen/ denn ihnen ist das sinnen mit gewalt
 eingebildet/ vnd aber die vernunfft in ihnen
 gar nichts ist: Vnd Mania kombt in der
 gestalt/ mit toben vnd vnstänigkeit / nimmer
 kein ruh/ viel vnglück machen/ wird erkens-
 net durch das / das sie von ihnen se'bst wi-
 der nachlassen vnnd vff hören / vund zu den
 ver-

Vom vrsprung

vernunfft nider kommen/ vnd wiewol das
ist/ das Mania vielmal kombt nach dem
vnd sie auch viel hinweg gehet / vud etlich
ist die nach ihrem hinweg gehn nimmer wi-
der kompt/ Etlich nach dem Mone zufel-
lig ist/ Etlich nach dem euffern accidenten
sich bewegen: So ist der Manie zwey ges-
schlechte / eines so von gesundem leybe ent-
springt / vnd eines so von anderen franck-
heiten erwachset/ darumb so seind zwey da-
rauß Mania entspringt / Eins vber die so
von gesundem leyb kombt / Vnd ein so von
andern franckheiten/ vnd seind beid eines
anzündens/ in einer materien/ vnnd ist also:
Die materia darauß Mania wachset ist ein
distillierter humor in das haupt/ welcher er-
hept wird vnd zusammen gemischt vnderhalb
dem diaphragma/ vff ein theil/ auß ein an-
dern theil ob dem diaphragma / zwischen
ihm vnd dem guttur/ da geschicht auch ein
sonderliche commiscierung / auß dem denn
ein distillation entsethet vber sich in das
haupt/ Also sein zweyerley distilliren inn-
wendig dem leyb/ da ein jedes mag durch jr
distillation ein Maniā machen/ Also auch
in den

Manie.

in den euffern vier gliedern distillationes
geschehen/nach den gengen vnd poris vber
sich in die höhe/ Also allein auß den dreyen
entspringt Mania/ vnnnd ist nuh von der
Mania zuuerstehen ein vnderscheid/ denn
ein jede distillation sondere geberde in jhr
hatt vnnnd würckunge/ eine mehr schedlich
denn die ander/ vnnnd das darumb:
Was vnder dem diaphragmate entsteht zu
distilliern/ dieselbige Mania ist fast tholl vnd
vnbesinnig/fallen schnell nider/mögen nie
essen/ koken viel/ haben auch fast den durch
lauff/ vnd brunnen viel mit jhnen selbst/ has
ben nicht sonders achtung vff die Leut oder
vff jhre wohnung/ Das ist die vrsach daß
die vnderste distillation aus den stercoribus
wird/ die sich resoluiern vnnnd sublimiern/
dieselbig bringen diese zeichen wie obsteht.
Also die ob dem diaphragma wachset/ dies
selbig ist sehr grimmig mit grossen trucken
vmb das hers/ vnd an der brust/ mit vil stich
en/ auß vrsachen/ das die materia sich da
auch resoluiert vnd auffsteigt/darum trucke
sie am allermeisten da sie ist/ Vnd das auß
den gliedern kombt/ dasselbig mache fro
lich

Vom vrsprung

lich vnd frisch / darzu ganz wild / aus vrsachen / daß sie in den inwendigen gliedern nichts entpfunden / denn alles frölich vnd wild mit vil wüthen / Wiewol solcher nach viel mehr anzeigung sein dabey die Mania erkennet wird / ist vns nicht noth zuschreiben. Nuß sein der Mania vffhebung zwo / Eine die sich distilliert in das haupt / vnd wie ein dampff in haupt bleibet / vnd Mania also lang weret als der dampff ist. Die ander sublimiert sich auß in der vnderscheid zwischen dem distillieren / das sie sich im haupt congelieret / vnd bleibt also coaguliert ohn resoluiert im haupt / darumb auß der vrsach zwo Manien sein zubetrachten in der cur / Eine zu consumieren / ist die / so auß der distillation kombt / Die ander zu resoluiern vnd consumiern ist dise so von der sublimation kombt / vnd wiewol die zwo eleuationes der Manien sein in das haupt / so erhebt sie sich doch in ein fundament / das ist / nach der / darin aufteilung. Nuß wiewol der Manien auftheilung drey sein / so geschehen sie doch mehr denn in ein weg / denn etliche distillationes vnd sublimationes

nes

Manie.

nes der Manien sein allein in dem blut der
adern der euffern gliedern/ Etlich allein in
dem geäder der euffern glieder / darumb wir
da verstehen in den euffern gliedern zwen
weg der manie/ vom blut vnd vom geäder/
vnd mag also wol sein/ so schon Manien
von euffern gliedern kombt/ das sie nicht int
gansen glied sey/ sonder im blut oder im ge-
geäder/ denn es distilliert durch dasselbig vff
in die höhe nach den adern/ Wiewol das
auch ist das solch distillation am ersten auch
zum herze kombt/ vnd darnach zum haupt/
das geschicht den adern vnd arterien nach
dem die distillation vnd sublimation volgen
zu ihrm vrsprung/ darnach sie erst in die hö-
he vffsteigen. Also die mania ob dem dia-
phragma erhebt sich etwann allein vom
magen/ so derselbig resoluiert die phlegma
in ihnen/ oder die Materiam so in ihnen ligt/
vnd darnach vffsteigt in das haupt/ Also
die leber oder lungen zu solcher distillation
vnd sublimation geschickt sind/ vnd also
auch die intestinen vnd nieren in solcher ge-
stalt mögen getheilt werden/ das etlich distil-
lation vnd sublimation kombt von dem
sals/

Vom vrsprung

salt/ Etlich vom spiritu renum/ etlich vom
 schleim im gederin / dergleichen auch vom
 andern das darinn beschlossn ist / vnd der
 gestalt ein jedes ein sonderer Maniam gebe-
 ren mag / vnd durch solche weg mögen der
 Manien viel mehr sein / doch in solchen weg
 begriffen / So wollen wir nuh erzellen /
 was das sey darauß Mania kombt / vnd
 wie die mag resoluiert werden / vnd geschichte
 zu der distillation vnd sublimation / der
 gleichen / wie sie erwachsen vnd seind. Es ist
 ein vbrige grosse mechtige hitz in zwen weg /
 frisch hitzig / vnd die ander faul hitzig wie ein
 feur / diese hitz entspringt auß den vrsachen:
 Wenn die materia an dem von dannen die
 Mania kombt sich selbst reuerberiert zu ei-
 nem saltz / der sich denn soluiert zu wasser
 das vber alle scherpffe ist / vnd diese scharpffe
 resolution zündet an den humorem vite so
 weit es ihne begreiffet / da wird ein scheidung
 von ein andern / also / das subteil vom gro-
 ben / So ist in dieser materij so ein scharpffe
 subtile / das sie an keine n boden bleibt / son-
 der vffahrt in das höchst so es begreiffet / vnd
 laßt das gröbist am boden / Solche reuer-
 berat

Manie.

beration geschicht vor grosser hitz die da ist
an den enden da sie sich erhebt/vnd inflam-
miert in ihnen selbst/so lang biß ein solche
subteile darauß gemacht wirt. Nun wis-
wol ein solche reuerberas gar mancherley
ist/defsgleichen die resoluierung manigfalt/
denn anders im blut/anders im gederm/
defsgleichen in anderen orten wie wir jez
melden/ so kompt die resoluierung im blüt
also/so der spiritus salis so im blüt ist/ mit
dem spiritu vite in eins vermischet sein/ Also
ist nun zuuersehen / das die distilierten hu-
mores so sich in der hitz der vndern gliedern
erhebe auffzusteigen also subteil vn̄ scharpff
sein/vnd bald sie die cellen vnd hirn berürrn/
ein vnsinnigkeit machen / Also begibt sich
das etwan das allein im blüt ist / vnd so die-
selbigē adern recht gelassen werde/ so kompt
diser spiritus der da distiliert ist herauß/ So
aber das nicht im blüt distiliert were / son-
dern im ganzen haupt vmbgeben were / da
hilffet kein lassen / wie wir denn in der cur
melden. Also sich auch vil begibt/ so in der
Manien die finger vnd zehen geöffnet wer-
den/die Mania genommen wirt/auß vrsa-

Dem vrsprung

chen/ das da ein kulin wirt vnd ein lufft die
 da nicht lassen die materiam in ihnen selbst
 calcificiern/ darumb so möge sie nicht ascen-
 diern/ Vnd wiewol es nit allemal hilfft/
 oder vollkommē/ das ist die vrsach/ das nicht
 genügsam ist zuerkülen die materiam dar-
 mit ihr die distillation genöthen wirt/ Vnd
 so solche mania in den aderen leg mag sol-
 che öffnung auch nit helffen/ dann am mei-
 sten ist zubedencken den vrsprung zuzfinden/
 vnd am selben end wenden/ das wir denn in
 der cur anzeigen. Auch die mania sich subli-
 mirt vnd coaguliert sich an im haupt/ da-
 von würrn im haupt wachsen/ auß der pu-
 trefaction der leichten sublimas etwann ge-
 schwer/ darumb das zaniel here coaguliert
 wirt/ etwann zu eyter wirt/ vnd sich durch
 das ganz haupt außbreit/ dauon kompt vil
 nagens vnd stechens im haupt/ mit vil ro-
 kes. Sich begibt auch vil in dem haupt das
 solche resolution wider verzehrt werden bis
 etwann auff ein kleines tröpfflein/ dauon al-
 lein ein Mania kompt/ so er ligt an einem
 sorglichen ort/ So aber die Materia nicht
 resoluiert wirt/ sonder bleibt ligen in seiner
 coagu-

Manie.

coagulats / so brennet / vnd regt es gleich als
wenn ein salt in einer wunden ist / dauon
denn die vernunfft auch genommen wirt /
vnd mag nicht gnugsam erfunden werden
die statt da etwann Mania ligt vrsprüng-
lich / als wir in genere verstehen vnnnd anzei-
gen / als im magen mag die sublimas allein
in anfang nehmen / wiewol dasselbig klein
ist / vnd nicht im ganzen magen / sonder an
einem / doch so der ganz magē in der artney
gegeben vnd genommen wirt / so wirt dassel-
big auch genommen / das denn da zumer-
cken / das in den adern nicht also ist / auß vr-
sachen / das etwann in einer adern vffsteigt /
vnd in keiner mehr / etwann in allen / Also
auch im geäder zuuerstehn ist / aber was in
der lebern / lungen / milz ist / dasselbig glied
wird ganz vnder die cur genommen / Also
ist vns auch zumercken wie denn vier com-
plexiones sein auß denen solche Manien ge-
born werden von alten vnsern vrsachē ge-
sagt sein / das wirt in keim verstand ist / tra-
gen / also das melancholey ein vrsach sey /
denn so melancholia ein vrsach wer / so litte
allein dz melancholisch theil. Des gleichen so

Vom vrsprung

Cholera ein vrsach wer / so wer dieselbige auch zu arshneyen / vnd so auch von sanguine vñ phlegmate zuuerstehen ist / Aber dem ist nicht also nach vnserm erfahyn / vnd das auß der vrsach / dieweil sich Manien erhebt in dreyen theylen des leibs / so mag sie nicht von einer comp^etion sein / denn sie seind nicht nach den complexionen außtheilt / Desgleichen / so Manien auß den complexionen weren als gesetzt wirt / so möcht da kein distillation geschehen / nach sublimas von den eussern gliederen in das haupt / denn der complexion ist keine also in der dispositio / das sie in solche subteile möge kommen / daruon das haupt betrübt wirt / Auch so kompt sie anfenglich auß etlichen gliedern da kein complexion regieret / so das ist / so mag sie auch nicht auß den complexionen geboren werden / als wie wir de complexionibus setzen. Aber also auch / es mag auß einem ort da die Melancholia ist vñd regiert / als im milch ein vn Sinnigkeit allein kommen / aber nicht auß vrsachē der melancholey / sondern des spiritus vite der da inn massen wie wir gesetzt haben / sich scheidet von

Manie.

von der melancholy vñ auffsteigt/darumb
so kompt Mania allein auß dem spiritu vi-
te/vnd durch die distillation vñnd sublimas-
tion in das haupt/ wie gesagt ist/ also wirt
auch verstanden von der vnfinnigkeit die
etwann allein von der gallen kompt/vñnd
doch nicht auß der cholera die darinn ist/vñ
gleichfals von andern zuredē ist/so beschlies-
sen wir also/ Das alle die spiritus vite vñnd
materie darauß Manien kompt/ einer na-
tur/qualitet/ complex vnd der gleichen inn
einem wesen sein/vñnd nicht eins heiß/ eins
feucht/eins kalt/ eins drucken/sonder alle in
einer qualitet/vnd bringt maniam darumb
daß diß materi also subteil ist vñnd ref/ das
obumbriert das hirn/vnd durch das die cel-
len der vernunfft/also wirt der mensch Ma-
niacus.

Nun ist auch zu mercken von der zeit
ihrer vnfinnigkeit vnd dergleichen von jren
geberden/ die villeicht möchten anzeigen das
die franckheit auß der influens feme oder
qualitet/das nicht ist/ denn das ist wol müs-
glich/ das sie mit der influens vff vnd ab-
nimpt/nicht aber darumb das die influens

Vom vrsprung

solches zu mehren vnd zu mindern hab/
denn wir sehen de influentijs humanis/ dē
erlogen ist das die influens vnseren leybre-
giere/in der gestalt materialisch oder corpo-
ralisch/ sonder vnser eingeborne influens
dasselbige thut/ Also wir de Mania sehen/
das auß der menschliche influens/ die gleich
so wol in vns ist als in den obern/ von denen
wir denn hie schweigen / Aber anzeigung
in geberden so nicht von den qualiteten kom-
men/vnd doch gleich seind als ob sie von dē
qualiteten kommen/ darauß sie möchten in-
ducirt werden / das der maniacus der da
brumlet e in melancholicus wer/ das nicht
ist/ Oder der da wolt fechten vnd schlaf-
gen auß der cholera kom/ das auch nicht ist/
sonder die geberd vnd übung kommen auß
der vrsachē/ so ein melancholicus maniacus
wirt/ der von seiner natur ein natürlicher
melancholicus ist gewesen/ so incendierte vñ
reiset an die natur maniacae sein alte weisß
vnd geberd/ die er in seiner natur hat diesel-
bigen zuerzeigen/ also auch die thut. Denn
die Mania ist ein anzeigen der heimlichen
geberden vnd eigenschafften der menschen/
die

Manie.

die sie verborgen in ihnen haben. Auch so ist
 manche mania / so da nicht anzeigt die na-
 tur des menschen / sonder sein natur die wi-
 der sie ist / vnd sicht / darumb hab acht / wie
 sie sich anzeigt / das sich vil begibt / das
 die complexion des menschen werden con-
 tra Maniam / vnd begert in aufzutreiben.
 Wa solches also ist / da werden auch die na-
 turlichen qualiteten vermerckt des men-
 schen / aber mit der frantcheit. Darumb wirt
 also bewerdet / das Mania nicht komme auß
 den qualiteten / sonder die Mania die natur
 anzeigt / in der gestalt / wie sie sey wesentlich /
 als wir ansenflich sehen / die da auß dem
 sublimieren werden / oder auß spiritu vite /
 oder dergleichen / gleich als ob es auß der
 Melancholey komme / das nicht ist / sonder
 die Sonn vnd Mon der eigenschafft gleich
 wol also seindt / als ob sie die Melancholici
 weren / dauon sie gar ein klein haben / Also
 auch merckt von denselbigen puncten / die
 wir ansenflich in drey weg gesetzt haben /
 vnd was weiter von Mania soll verstan-
 den werden / findestu in cura de Mania des
 andern Methodi.

Das dritte Capitel. Vom vrsprung S. Veits Tanz.

Swollen wir doch hie in diesem Capittel nicht zulegen das die Heiligen mögen krankheiten geben/ vnd denselbigen soll also nach genennet werden/ oder das es ein plag sey/ beduncket vns es treffe die Heiligen geschriffte mit an/ als den vil seind die grosse Theologi darauß sehen/ vnd sie mehr Gott zulegen denn der natur/ das es ein vnnützes gesprech ist/ Vns misfelt das geschweß hinder welllichem kein warzeichen seind/ sonder allein glauben/ da ein vnmenschliches ding ist/ vñ die Götter auch nichts darauff halten. Nun wollen wir den nammen nicht verändern von wegen der bekandennß/ den Heiligen nach/ sonder es ist billich zu nennen Choreia lascaua/ auß vrsachen wie hernach folget/ vñd werffen von vns die schwäzer der vngegründeten vnbewerter wörter die da von Gott sagen/ den aber sie nicht kennen/ vnd ab dem weg gehn seines anzeigēs/ dardurch er wol erkennet mag werden. So ist nun
die

die vrsach der Kranckheit Chorea lasciuæ
 allein ein estimas vnd ein augenommen
 imaginaz die da wirckt in dem/der sich also
 ein solcher estimas scheszet/vnd dergleichen
 ihnen selbst ein solche sach imaginiert. Disz
 imagination vnd estimas ist ein vrsprung
 diser franckheit des Tanzes/vnd wiewol
 ein solches auch erfunden wirt in Leuten in
 denen kein imaginaz noch estimas nit ist/
 als in den Kindern vnd gewachsenen Per-
 sonen / So ist die vrsach der Kinder auch
 ein imagination/nicht auß dem verstand/
 sondern auß dem hören/dz es hört vñ sicht/
 widerfert in ihnen ein solehs/ vnd das dar-
 umb: Sein gesicht vnd sein gehör ist also
 starck das es fantasiert onwüßende in dem
 das es sicht vnd hört/vnd in solcher fanta-
 sey wirt jm sein vernunfft genommen vnd
 verkehrt/in die gestalt wie es ihm entworff-
 ten wirt. Also auch in den gewachsenen per-
 sonen / die da nit imaginieren vff die werck
 des Tanz/vnd doch das hörn vnd sehen/ al-
 so wirt jr visio vnd auditus ein meyster der
 vernunfft. Vnd wiewol die Tanz kont-
 men in den Leuthen in denen ein solches ge-

Vom vrsprung

sicht vnd gehörd nicht für gebildet wirt / son
der wider dz alles kompt sie ein solchs Tan
ken an vnd ein freud / das ist ein vrsach der
lachenden aderen die ihñ spiritum also sub
teilentpfinden / vnd sie kuzelt also ein sol
cher Tanz vnd freud. Nun also seind
zwo vrsachen diser frantzösischer / des tanzes/
Ein natürliche auß den lachenden adern/
vnd einzufellige / auß den gebildungen. So
ist am ersten der vrsprung des Tanzes als
so. In einem jeden menschen ligen lachens
de adern / so dieselbigen geschlagen vnd auß
gelassen werden / so kompt dem menschen
ein lachen zu / dem er nicht widerstehen mag
so lang vnd das blüet / so es nicht auffhöret
blüten / so wehret das lachen biß in tod / sol
che adern seind die vrsach vnd vrsprung die
ser frantzösischer / vnd das also. Wiewol das
ist / das sie ganz vnd vnuersehret bleiben der
spiritus so in ihñen ist von dem sie leben
vnd enthalten werden / so sich derselbig ver
enderet vnd schelet / also das er auß seinem
lauff vnd ordnung kommet / so hüpfte er / vñ
wüet das blüt / auß dem wüeten kompt ein
kuzlen / demnach ein lachen / auß dem ent
springt

S. Veits Tanz.

Springt das der spiritus in den aderen sich
je lengeren je mehr rürt/vnd je fester das ist/
dann die aderen ligen an kürzlichen enden
vnd stetten/vnd sind in ihrer dispositz vnnnd
proprietet propriert zum lachen/auf eigener
natur vnd wesen / So wir aber die vrsach
melden/warumb sich der spiritus vite cor-
rumpier vnd zerbrech/dieweil vnnnd er also
ein subtiler spiritus ist/vnnnd das leben diser
aderen das dann nit wol natürlich ist züer-
messen/ist dz die vrsach/gleich wie ein gbran-
ter wein in ihm selbst der vermacht ist/ an
einer werme durch den pellican sich mit der
zeit je lenger je mehr scherpffe/ subtiliert vnd
leuchtet / Also ist vns auch zu verstan vnt
spiritu vite in den aderen / dz also sich durch
die natürliche werme sich subtiliert vnnnd
scherpffe / aus dem nacher die enderung in
das blut kompt/ also das des blut nach ihm
qualificiert wird/wie gemeiner wein der mit
dem branten vermischet wirt verenderet ihm
sein als wesen. Nun ist wol vns zube-
drachten von vhrsprung des spiritus vite di-
ser aderen/was das sei/ das diser spiritus als
so legt oder darzu disponiert vnnnd ordnet
das

Vom vrsprung

Das er zu solcher subtilitet kompt vñ scherz
pffet/ denn es ist nicht auß seiner eigener na-
tur das er darzu proportioniert sey. So ist
das sein vrsach die ihn darzu reizet/ das er al-
so subtil wirt / vñnd das blüt bewegt in die
franchheit / Das geblüt hat in jm ein salze/
die hett an ihrer eigener natur die disposition
zu fallen in feire/in resse/ in bittere / in süsse
nach dem vñd sein andere zufell sein / Dañ
was das materialisch vñnd corporalisch int
Leib ist/dasselbig zu verendung geneigt ist/
wie ein holz mag faulen oder mag zu asche
werden / oder zu kolen durch sich selbst oder
durch den accidenten. Also von dem salz zu
verstahñ ist/ dz auß dem sein verwandlung
macht den spiritum vite dobig vñnd hüzig/
auß der vrsachen / nit das er gelest werd/
dann er hat kein corpus/ sonder allein dar-
umb das er in einer vñnatülichen herberg
ligt/ vñd jm ganz widerwertig ist vñd unbe-
quem/ als wann ein camfor in ein vnfauber
ort gelegt wirt vñd bleibt/ also auch der sal-
niter im feür sein widerpartey nitt leyden
ist/ &c. Also gleich auch von dem zuuerstehn
ist. So ist nun die auß dem anreizen kompt
ein

S. Veits Tanz.

ein ander danz welcher vrsprung zufellig
ist mit dem gesichte oder mit dem gehör/vnd
das ist möglich vnnnd geschicht also/ Was
da freud im mensche anligt/entspringt vom
herzen erstes anfangs/ Nun ist das gesichte
vnd gehör ein ding das zu dem herzen geht/
Als ich höre pfeiffen/vnnnd auß meiner na-
tur bin ich gern bey pfeiffen / jez hab ich im
herzen ein freud dorab. Dise freud ist zwey-
erley/ich gedencck darbey nach meinem luste
was mein art ist. Vnd zum anderen/ wirt
mir im sinnen gemeisteret die imagination
wie ichs vor mir sich: Nun wie nach mei-
ner art dis pfeiffen imprimier in mich zu ge-
dencken dem wollust genug zuthun / wirt
mir ein lust / in dem nimpt oberhand die
freud im herzen / vnd wie ichs vor mir hab
also werds in mir imprimiert / vnd werden
alle andere qualitates vnnnd natur von mir
getriben / also das sie vnderligen/vnnnd ihre
wirckung nimmer mögen haben/auff das
solgt hernach die beraubung der sinn/vnnnd
nit der vernunfft/vnd wirt mir genommen
der gewalt der vernunfft / vnd nach meiner
imagination wie ich bedacht hab oder von
mir

Vom vrsprung

mir gesehen / thun ich demselbigen gleich /
dann mein verwilligung ist vrsach der
Kranckheit. Vnd das ist natürlich das ein
verwilligung die ein mensch thut mit gü-
tem lust / vñ desselbig einbrünstigem gemüt
ist / also nach seiner verwilligung solche ima-
gination verbracht werd / als vil mehr vnd
lauter de imaginationibus sehen / darumb
ist offenbar ein vrsach / das den Hüren vnd
Büben den wol mit lauten vnd allen seyten
spyl ist nimmer dauon kommen / vnd allen
wollust vnd des leybs freud genüg thun mit
ihrem gut: n willen / estimas vnd imaginas
in solcher gestalt in die franckheit fallen / die
selbige freud vnd heülen / jubiliere / singen /
springen / vñnd was dann jr übung gewesen
ist / brauchen vñnd in ihnen bleibe. Disen
danz den wir von hüren sehen ist nit von
natur / also das die natur ein vrsach wer in
dem wie wir im anfang gesetzt haben / von
den lachenden aderen / sonder es ist ein zufall
auß einem leichten mütwillen / vnd leichtfer-
tigen schandlichen leben in dem kein ver-
nunfft noch sinnlichkeit ist / darumb sie sich
auch also schendlich vnd vnuernüfftig er-
zeigen /

S. Veits Tanz

zeigen / Aber als dann viel sind die solches
 schendliches vnmenschliches leben mit ge-
 brauchen vnd mit gedencfen / also das sie wil-
 len darzu oder ein freud darin haben / son-
 der auß vnbedachten mütdanken das vr-
 sachet die lachende aderen in massen wie wir
 erzelt haben. Nun begibt sich vil als wir er-
 faren haben das also auch ein danz kompt
 mit lachen / vnd nit mit heülen oder schreien
 oder springen / etwann allein mit lachen vñ
 gehen / vnd auch nit mögen still sitzen / son-
 der müssen gehn vñ lachen / detselbig kompt
 auch auß vrsach wie wir erzelt habē / in den
 lachenden aderen / mit dem vnderscheid / das
 der spiritus vite nit vast verendert ist / oder
 das blüt nit gar vergifft / sonder anziehet et-
 lich zeit vnd widerhingehet. Also mögen wir
 auch wol vns zuverstehn geben / das der
 freud vil können auß dem hertzē / vnd das in
 der meinung / so des hertz ein gefalsenen spi-
 ritum entpfind / so mag es wol darvon ein
 anreizen haben zum lachen / als wenn der
 spiritus vite der lachende ader das hertz an-
 gewaltigsten bründt / Also durch das mag
 dem hertzen auch ein freud zufallen gleich
 wie

Vom versprung

wie durch das milch ein traurigkeit das hertz
 betrübt/also ist auch das ander möglich/ vñ
 das mag darzu auch beschehen das solche
 freud im spiritu vite/ auff in das haupt er-
 hebt werde/ vnd dasselbig besitzen vnd nach
 ihnen registrieren. Dese habe aber kein groß
 not/ noch zwengnuß zu danken/ dann war-
 zu man brauchen will/ darzu seind sie willig
 vnd das doch mit keinem sinnen oder ver-
 nunfft/ Aber die andere danker seind vnd
 werden mit ihrer franckheit bezwungen zu
 danken/ springen/ schreien mit all ihren ge-
 stibus. Nun also ist zuuerstahn was die ur-
 sachsen das sie müssen danken/ springen vñ
 dergleichen/ wie wir dann von der imagi-
 nak vnd estimak gesetzt haben/ So ist vber
 natürlich die ursach der lachenden aderen
 die in ihr selbs darzu propriere seind/ also
 wann sie kuzlet wirt an den kuzligen en-
 den/ so ist das des kuzlens eigenschafft zu
 springen/ lachen/ also auch in den aderen
 solches kuzlen beschicht die nach vil mehr la-
 chen/ kuzlen vnd springen/ vnd dergleichen
 in ihnen haben also erhebt wir diser franck-
 heit dank ist auch ein verend. rung der ver-
 nunfft

S. Velts Tanz.

nunfft/ vñ der vrsachen/ das die freud vber
hand nimpt vñ verenderet alle andere qua-
liteten/ nit das sie die memori vergifft / oder
beraubt die gedechtnus/ allein das sy ver-
truckt wirt/ vnd mag nit herfür brechē von
hinderung diser franckheit. So ist nuu wei-
ter von der zeit zu reden/ das sy also ein zeit
vm die ander kompt/ vñ etwan lang etwan
kurtz weret/ ist allein auß vile der materien
vnd der disposition / nach dem sich dieselbis
gen weiter anzeigt / wachst vñ erhebt/ nach
dem sy mehr kurtz oder lang weret / Vnnd
wollen also dise franckheit des dans beschlos-
sen haben / vnnd den Göttern ihren gewalt
nit verachten / die denn wol gwalt haben
ein yppigen menschen zu straffen oder pla-
gen mitt solcher franckheit. Aber das vns
das die natur vnd vrsprung diser franckheit
nemm oder fellsch / das ist nit / denn solche
franckheit ist möglich / wie wir denn de
plaga Dei solcher franckheit mher melden/
vnnd was weiter zu diser Kranckheit dans
gehört / an sein enden weiter reden werden
in capitulo de cura Choreæ lasciuæ.

Vom vrsprung

Das Vierdte Capitel.

Vom vrsprung suffocationis in
tellectus.

DEs gleichen so seind mehr beraubung der vernunft/ die da auß den natürlichen franckheiten entspringen/ dardurch die vernunft geuvsacht wirt jr sinn zu verlieren/ vnd deren seind drey/ Eine die allein kompt denen die da würr haben in intestinis / Die ander die allein frauen kompt auß der müter / Die dritt/ zu beiden seiten kompt/ von ligen oder süssen oder von vberiger spenß oder dranc / Darzu ist noch eine / die allein in dem schlaff kompt/ vnd also mit dem schlaff wider auffhöret/ darumb so sind da zwo erkantnuß/ eine die da wissent anhebt / das einer ein solches mit jm selber mag mercken / Die ander vnwissent/ dz ein außkompt vñ franck wirt/ vnd es müner jnnen wirt/ So ist vonden mehr zuverstahn/ denn von der anderten franckheit der beraubten sinnen/ auß der vrsach

Suffocationis intellectus.

Ursach / das da das leben also mag verloren
werden one alle vernunfft vnd wissen / Nüt
auß der ursachen dz die vernunfft ein solche
todt bringe / sonder die franckheit die die ver-
nunfft nimpt / nimpt auch das leben / als in
denē die do würm habē wie wir de vermis-
bus seße der todt mit dē paroxismo kompt /
Auch dergleiche der frauē auß zāmen tru-
cken der muter des lebē abgedruckt werd / vñ
manchmal mehr / Also von ligen vnd sitzen
der todt auch kompt / vnd das auß solchen
Ursachen / das sie dem hertzen die laufft nem-
men / wie wir de introitu mortis schreiben /
vnd hie von dem nachlassen in diser franck-
heit sind vil mehr zeichen dardurch gūts zū-
kūfftigs vñd böses erkent mag werden /
zum leben oder zum todt / dann sie fallen
nider gleich als in der fallēt sucht geschicht /
sie haben auch den kramppff der zu ihm
zeucht vñd hindan streckt / vnd werden also
denselbigen leüten / gleich zu gemessen / der
geberden halben vñd erzeigen die franck-
heit / vñd wiewol doch nachmal ein solche
beraubung der vernunfft nit kompt allmal
mit solchem erschrecken vñd zittern / sonder

Vom vrsprung

etwan mit einem senfften schlaff vnd
hinsincken / wie wir dann hernach melden
werden / etwann mit vermischung der
vernunfft / dan diser suffocation sind vil/
vnd mögen alle mal new vnerhört auffer-
stehn vnd wachsen. Als von den würmen/
die nit gleichsonder mancherley wachsen/
vnd an manchen enden ligen / darumb sie
manchen paroxysmum hart vnd streng
machen / also auch von der anderen zu ver-
stan ist / So ist ein solche suffocation an dem
menschen in zwey enden / in mitles leibs/
vnd im bauch vrsprünglich zu wachsen/
es ist auch ein Suffocation die allein im
haupt ist / das ist aber nit auß natur / sonder
auß zufallen / als durch schleg oder wunden/
die eines solchen ein vrsach sind / welches
nachmals folgen wirt zu erkleren. Am er-
sten ist vns zu verstehn wie die suffocation
mögen geschehen / das geschieht in zwey
weg / der ein durch einen rauch / demselbigen
ist nach dem paroxismo im hauptwech / auß
der vrsachen / das die reliquie darin bleiben
vnd verstell haben die empfindlichkeit des
haupts. Der ander durch verziehung des
luffts

Suffocationis intellectus.

luffts zu dem hertzen/ dieselbige empfinden
wtag vmb das grüebel vnd auch statt des
hertzens/ Ursprung des rauchs ist also ein
gewechs das allein kompt etwan auß dem
magen so darin materia ligt daraus würm
mögen wachsen oder gewachsen / dieselbig
materi oder würm wann sie sich von den
stercoribus mundirn / oder ligen vñ faulz/
oder dan ein anderen essen/ oder die materie
im magen aufffrüer/limieren/die dan über-
flüssig ist in jnen/ so geht ein rauch von jnē
auff/der obübriert dz hirn vñ also auch die
schlaf adern/ dz sie in einen schlaff fallen vñ
vnuersehent mit schwachheidt vñnd herten
dreumen groß drucken / dann ein jeg-
liche vernunfft mag genommen werden
durch den weg so der schlaf gekürzt wirt/
als wir de somno sehen/ dann ein solch le-
sen/lest auch die hirnen / auß dem ein ganz
schlaffrige vnentpfindlichkeit kompt / In
solcher gestalt von allen würmen die im
magen vnd magenmuud sind zu verstan
ist/ Aber die würm die im bauch sind/ ligen
in dem gedern / dieselbigen steigen nit auff
ins haupt gleich wie wir von magen wür-

Vom vrsprung

men geredt haben / sonder sie machen ihr paroxismus ohne reüch vnd dempff / die dem haupt schaden mögen / Vnd das geschicht also / ihr rauch vnd fumus / mag nit auffsteigen in das haupt vnd das auß vil vrsachen / aber diser rauch vnd fumus lezt mit seinem dampff die vmbfeng cordis / also / das die lufft vñ nutrimenten so zum herzen gond / vergifft werden / vñd darnach so bald das herz mit ihnen vmbgeben ist vnd empfangen hat / so erstickt er in ihm selbst / vnd mag also der todt darauff werden / nach vile materie peccantis / das dann im haupt nit mag beschehen / vñd also nach verwuetten der materien volgt wider hernach die gesuntheit / also ein paroxismus vmb den anderen. Vñd so nun das herz leidet / so leiden mit im alle lebendige geist durch den ganzen leib / darvon kompt der kramppff / zittern / sperrren / strecken vnd doben / mit vil anderen zeichen / vnd wird denn ein vnempfindlichkeit in dem ganzen leib / also das do weder sin noch vernunft mag sein / also seüdet vnd dobet das blut vnd humores vnd spiritus im leib vndereinander / gleich als wenn

Sulphur

Suffocationis intellectus.

Sulphur vnd salniter mit einander anzündt wurdent / do kein auffhören ist biß das widerwertig verzerdt wirdt / oder es driffet das leben an. Also ist auch zu reden von der mutter / dieselbig wiewol sie in eint andern weg verstanden wirdt / hett sie doch solche anzeigung vnd geberden auch / welche kompt so die mutter auß ihrer eignen natur verendert wirdt in ein widerwertigs leben / auß dem kompt ein zeitendruckten der mutter / auß welcher die vernunfft genommen wirdt vnd alle entpfindlichkeit / das geschicht auß der vsachen / materia matricis daruon die mutter inwendig erneret vnd gelept wirdt / sich selber zerstört / wie ein wein der zu essich wirdt / Vnd also die mutter der rechtē materiē die jr zugehört nit empfindet noch habē mag / so ist die materien von ihrer rechtē natur kommen / vñ ist kalt / diß kette spandt die häut matricis vnd ihr fällt zusamen wie ein kramppff / denn do ist ein eigenschafft vnd angeborne natur das alle seure vnd kette / von ihrer arth ein kramppff oder stich bringet in als das im leyb ist / auß genömen fleisch vnd bein / Also

Vom vrsprung

Durch diß wirdt ein kette der mütter mit ei-
ner reßen feüre/die gibe den kramppff vnd
zeücht sich zusammen / auff das genauwest
als sie mögen an einen flos / auß dem zu-
sammen ziehen vnd tetano vñ spasmo wer-
den bezwungen die anderen glider auch der
gleichen zusammen in einen spasmus vnd
tetanum zu gehn/ deñ sie werden gleichwol
mit der mutter verunreinigt/ vnd so ein sol-
liches zammendruckten geschicht in dem ge-
derm deß ganzen leybs / so geht der dampff
von der mutter vnd rauch auß der mutter/
zu den andern glidern so darumb ligen/ vnd
so diser das hertz berüret / so vergleicht der
paroxysmus gleich morbo caduco mit allen
warzeichen / vnd wirdt also kein ander glid
vermeliget dan allein das hertz / mediante
matrice die ander nemen zufell. Zu dem
dritten ist auch ein andere die do gar in vil
vnd mancherley weg kompt vns nit mög-
lich zu erzründen mit allen ihren anhan-
genden geschlechten / vnnd ist eine die da
kompt im schlaffen / also so einer am rucken
ligt/so sinckt das hertz wasser in capsula vn-
dersich/ vnnd steht das hertz oben bloß/ auß
dem

Suffocationis intellectus.

dem kumpt dem hertzen ein schwache/dann
wo es anders ligt dann mitten im wasser so
beraubet es die sinn vnnnd dobet / nimbt alle
crafft vnd gewalt der glideren. Wiewol
von anderen verstanden wird / das diß sey
incubus vnnnd komme vom bluet das sich
daher zeücht / sed nihil est/dann do mag das
bluet dem hertzen kein schaden thun es sey
dañ in einer andern franckheit dem am ruck
cken ligen / vnd das hat vil vrsachen/ Auch
wirt verstanden das das bluet vom hertzen
hindā weich/vñ auß der beraubung dz hertz
bloß standt/ vñ also den schlaffen in massen
gleich als ob er weder hend noch fües berüer
ren müg / vñ auch mag/dz auch nit ist/ daß
da sind gleich wol so vil vrsachen / dz das
bluet nit entweichen mag das vom hertzen
das dem hertzen müg schedlich sein / dann
das allein ist/das so einer am rucken ligt/ die
capsula gedruckt wirdt in die breite ihrs cir
fels / gleich einer plateren darinnen wasser
ist aufgedruckt mag werden/ vñ so das hertz
oben bloß stehet oder das fäl capsule das be
rüert/so gibts jm ein druck als ob ein schwe
rer stein auff ihm leg / denn da sind vil vmb

Vom vrsprung

Das hertz die da mögen materialisch auff
capsule centrum fallen / so eins am rucken
ligt / vnd also drucken / das auff der seiten vñ
bauch nit beschehen mag / vnd das auß vñ
sachen wie in der anatomey in vil weg pro
biert wird / vns nit not verner zu erkennen
geben. Aber sich begeben auch vil ander
franckheit im schlaff so die vernunfft nem
men vnd darzu auch dobig vñnd wild ma
chen / gleich dem morbo caduco / dasselbig
kompt auß zwo vñrsachen / eine durch ein
solchs drucken wie incubus / Das ander
durch ein drucken des hirns / vñnd das be
schicht in dem weg / So das hertz also ge
druckt wird das der spiritus vite in ein hirt
kompt / so zündet er an den ganzen leyb / vnd
wirdt demnach also streng / das er die ver
nunfft vñnd den harten schlaff gewaltig be
sist / vñnd auß dem ein zitteren vñnd doben
macht / als ob es morbus caducus sey / Es
mag auch wol geschehen in der gestalt / So
der franck wider auff den bauch kompt / nit
auffhördt / den der spiritus vite ist noch im
wüeten vñnd sausen / Diser wird zu morgen
nach dem schlaff nit entpfunden / vñ schweiß
set

Suffocationis intellectus:

set gemeinlich ein gäls wasser dem paroxis-
mo nach heraus/das ist daß der spiritus vite
außtriben hatt in sein doben/also mag sich
auch wol begeben das der spiritus vite von
allen glideren weiche vnd leß sie todt ligen/
vnd allein beim herzen/hirn vnd bey der le-
ber ist/vnnd weiter kein leben nirgent ent-
pfunden wirdt/wie ein baum der alle sein
krafft in der wurzen hat/vñ sunst anderst-
wo dürr vnd verdorben scheidt/vnd mag
sin doch wider geben werden/Also auch
mag der spiritus vite vom centro oder wur-
zen das ist vom herzen nach versieden der
humorum wider auß gehn in den ganzen
leyb/vnnd das leben machen in massen wie
vor/das wir darn in cura vermelden wer-
den.Vnd also wie wir von herzen das dru-
cken setzen/mag sich auch begebē im haupt/
das die schlaff adern mögen durch ihr dru-
cken das hirn vñ die vernunfft comprimie-
ren in der pia matre/geleich wie suffocatio
matricis die muter zusamē drucken/ auß
dem die franckheit entstehn/vnd dz darauß
der schlaff obmutesciert das ganz haupt/
vnd druckt den spiritum vite in das hirn/so
lang

Vom vrsprung

So lang biß das versiedet/ so gehet er wider in
die glider/ daß das kompt mit allen zeichen/
krampff vnd zittern wie vom herzen vnd
matrice geredt ist / vnd nach vil leichter
wird der schlaff gelezt dann das herz / vnd
sün an vernunfft. Also auch von crapula
mag ein solche suffocation kömen / die daß
gleich zu verstehn ist den würmen im ma-
gen/wiewol das nit von materien der wür-
men kompt/aber in solcher gestalt vnd das
also / die drencker haben in ihnen ein subtilen
geist / der auß seiner subtile auß ihr weg
ledigt / den schlaff auch das hirn/wie dann
manchmal gemeldet wird. Auch dz die cra-
pula ein schleim macht im magen/das fau-
let zu der materien der würmen/vnd proces-
diert wie die würm. So mag sich auch sol-
ches wol begeben von der speiß vnd dranc
die kein spiritus also subtil in ihnen haben/
als pulmentum vnd aqua/das geschicht
aber auß der vrsachen das in dem pulmen-
to vnd aqua ein vnreinigkeit ist/die ein pro-
prietet zu solcher franckheit hett / vnd ist nit
in allen wassern vnd pulmenten/ sondern
in etlichen/vt sic : So ein wasser ein wurm
giff

Suffocatonis Intellectus.

giffte entpfangē het/vñ jr vnflat ist geschickt
auff solche franckheit/also auch dz gemües/
o doran giffte gesehen wird/oder einer ader
ein solcher vnflat geschicht in massen wie
angezeigt ist. So begibt sich auch vil das im
schlaff ein paroxisus kompt epilepticus/
der suffocation oder dergleichen anders wie
wir dann erzelt haben / von dem wir hie nit
schreiben sonder bey den andern lassen
stehn / auß vrsachen / was da möglich zu
tag / ist auch möglich zu nacht. Vnnd
wiewol vnns da ermanet / das der lauff
der oberen der etwan mag ein solche franck-
heit mehzen machen vnd neimen/ dan sich
vil begibt das allein nach der influens sol-
che paroxisimi kommen / vnnd nit sonst/ das
macht die vrsachen / das der spiritus vite
siech fundiert vnd bedrübet demselbigen
nach/ Also sindt noch etliche andere berau-
bung der sinnen / vnd doch mit keinem vn-
geberden oden doben / als wenn einer sitzt
vnnd hinfalt als ob er schlaff/ das geschicht
aus der vrsachen / das die materien diser
franckheit wie wir gemeldet haben denspi-
ritum vite nit so fast anzünden / Nun so da
mehr sind die die vernunfft beraubē auß den
zufellende

Vom vrsprung

zufellende schlege/vnd dergleichen/als so et
ner ein wunden im haupt empfangē hette/
davon ihm zu etlichen zeitten im jar ent
springet ein solche dobigkeit/vergessenheit
vñ vnwissenheit / das kompt aus vrsachen/
das in dem leyb gleich so wol die influenz ist
wie in den oberen/als de influentijs verstan
den wird/so nun dieselbige zeit kompt so diß
haupt berürt / rüert es auch disem streich/
auß dem dann ein wüeten kompt nach ges
nanter zeit/Aber sich begibt auch vil das et
wan nit demnach kompt/sonder aus einem
bösen heilen/das sich natürlich vñnd durch
sein geschmack da ein eiter samlet der do
wüetet vñnd das hirn lezet. Auch ist das
ein andere vrsach/so es wol geheilet ist vñnd
ohne mangel/begibet sich das / das in dem
streich vñnd schlag das hirn die lezung ent
pfangen hatt / das es dann nimmer mag
geheilet werden/in solcher gemeiner gestalt/
dasselbig üebet sich nach der zeit / nach dem
wetter/nach der üebung/ nach der speiß vñnd
dranck/vñnd auß viel solcher mehr vhrsas
chen nit nott zu beschreiben/wie dann de cu
ra eius hernacher volget in secunda metho
do/vñnd

Der rechten vnſinnigen leuten.

do/vnnd also de ſuffocatione intellectus ge-
nügſam geſagt haben.

Das fünffte Capittel.

Von vrsprung der rechten vn-
ſinnigen leuthen.

Nach dem vier Capittel von der ver-
lierung der vernunfft geredet habē/
ſo ſein doch dieſelbigen wenig also/ das ſie
für vnnd für ohne vernunfft ſeyen biß in
todt/ ſondern ſich paroxismieren eins vmb
das ander / dardurch ſie etwan ihre ver-
nunfft verlieren/etwan widerumb volkom-
men haben / wie wir denn anzeigt haben/
So iſt jez von denen zu reden die da allzeit
bey vnſinnigkeit vnnd vnuernünfftigem
leben ſeind/vnnd nit paroxismieren ein zeit
vmb die ander/Vnd wiewol das iſt/ das die
zeit an ihnen vngleich iſt/ ein mal mehr deñ
das ander/nach innhaltung der obern ge-
ſtirn in vns vergleichunge/vnd auch daſſel-
big nicht alle mal für vnd für in einem we-
ſen/son

sen sonder vngleich wider die laufften anzeigen / vnnnd sich geberem vnnnd halten / solcher vesanien geschlecht sein vier // Eins die da Lunatici heisse / Eins die da Insani heissen / Eins die da Vesani heissen / Eins Melancholici. Lunatici sein die / die alle ihre frantcheiten auß dem Mon entpfahen / vñ sich nach demselben halten vnnnd erzeugen. Insani sein die / die da solchs von geburt auß mutter leyb gebracht haben / vnd dasselbig gleich als ein erbttheil im geschlecht vnd sang einer vom andern. Vesani sein die so vergiffte vnnnd verunreiniget werden durch speiß vnd dranck / darumb sie von ihrer vernunfft vñ sinnē können. Melancholici sein die die von eigener natur von der vernunfft kommen / vnnnd zur vn Sinnigkeit sich verkerren / Vnnnd wiewol durch solche vier vn Sinnige geschlechter ein verstandt mag gehalten werde / das darunder noch ein geschlecht soll sein / das sein Obsessi / die denn mit dem Teuffel besessen sein / wie denn in vil weg beschicht / dz setzen wir de vatis vñ spiritibus / Aber hie / der natur nach / so sein vnd mögen solche vier geschlecht nicht mit dem gestirn
oder

Der rechten vnsinnigen leuthen.

oder teuffeln besessen werden / als vil das
von klappern/denn der Teuffel vnd sein ge-
sellschafft gehen in kein vnsinnigen Eizper
der nicht nach seiner eigenschafft mit gan-
zer vernunfft geregirt wird / Darumb so
kompt er auch nicht in die vier geschlecht/
denn sie seind der vernunfft nicht gewaltig/
aus vrsachen wie hernach volget / Dieweil
vnd sie ihzer sinnen gewaltig sein/so werden
sie von Teuffeln noch Vatis mit besessen/
sondern sein von ihnen / als wir gemeldet
haben/gefreyet / vnd die vrsachen setzen wir
in anzeigentem capittel de spiritibus et vatis/
So nuh also vier geschlecht sein vnsinnig-
keit/ein yedes mit einem sondern vrsprung
vnd herkommen/so enden sie doch allein in
dem / daß sie die vernunfft enziehen/ nicht
in form vnd gestalt wie wir anzeigen in den
ersten vier capittelen / sonder ganz ohn an-
dre krankheyt/also da ist kein schmerz/ kein
weh/inn morbo Caduco/in Mania/in cho-
rea lasciuia vnd in suffocatione intellectus/
sonder sie lebet allemal in tolligkeit / vnd wo
sich aber ein solchs erzeigen wurd / das ein
wehtag darzu wolt kommen/das sie sich der

Vom vrsprung

vnsinnigkeit beschwerten/ vnd mit der vernunfft ein anzeigung theten der wehtagen/ so ist von ihnen nicht weit der todt/ vnd das auß der vrsach/ das der vrsprung der franckheit so hefftig ist/ das er den spiritum vite leset vnd vergifft/ der denn den todt einfüret/ Also wöllen wir vns vnderrichten de lunaticis/ was ihr vrsach sey/ damit sie also in dem capittel de cura secunde Methodi verstanden werden. Die obern Gestirn haben in vns gewalt zu frencken vnd schwächen vnser leyb vnd gestalt der gesundtheit vnd franckheit/ vnd wiewol sie nicht materialisch nach substantialisch in vns fallen/ allein inclinirt ohne sichtigkeit vnd empfindlichkeit/ mit der vernunfft gleich zu verstehen/ als ein Magnes der an sich zeucht das eyser/ der Carabe das sro/ vnd Asphaltum säsen vnd das holz / also in solcher gestalt ist virtus attractiua im Mon die vns außzeucht die vernunfft im haupt/ vnd das durch die beraubung des humoris vnd virtutis cerebri/ vnd ist nit das der Mon in vns gehe vnd in vns würcke wie furgelegt wirt/ denn kein gestirn gewalt hat vns zubefügen

Der rechten vnſinnigen leuthen.

zū beſitzen / wie dan vil ſehen mit vil lügen /
aber vns daſſelbig zu entziehen darzu ſie in
virtute attractiua bereit ſein / müſſen wie
dulden / Als die Sonne nimpt der Erden
ſein feuchte / nit daß die Sonne darin ſey /
vnd ſie herauß treibe wie ein wasser das in
das ſewr gegoffen wird / ſonder das ſie es an
ſich zeucht vnd nimpt / Also auch (nicht der
Mone allein) vns ſolches zufüget / ſonder
der Geſtirn ſeind auch viel / die vns alſo in
ganzem leyb den gliederen ihre humores be-
berauben / das wir de aſtris et ſuperioribus
anzeigen / vnd hie außlaſſen / Also werdent
viel menſchen ihrer ſinnen beraubt / allein
durch die attraction deß Mons / darvon
ihnen der humor cerebri genommen iſt / vñ
das ganz haupt alſo leidet vñ thobet ohne
vernunfft / Diſe Lunatiſche regieren ſie
nach dem Mon / vnd das auß der vrsach /
daß virtus attractiua in vollem Mon an-
ſterckte iſt / darmit ſie am meiſten zeucht /
vnd diſe menſchen am meiſten leiden / Deß
gleichen im neuen Mon / vnd das auß der
vrsachen / daß der Mon in der newe empfe-
nuß neue virtutes hat vnd verenderung /

Vom vrsprung

dauon ihnen auch minder oder mehr der
vnuernunfft wird/ vnnnd ist nicht die vrsach
als etwan verstanden wird/ das der Mon
von wegen seiner schwache die glieder auch
schwech/ gleich als ob vnser frafft alle im
Mon lige/ das nit ist / wie wir de sanitate et
infirmiate anzeigen / sondern die seltsam
Newfündig natur des Mons/ vngleich an
sich zeucht/et sic / Es begibt sich ein vrsach/
das solcher humor auß dem hirn gezogen
wird weñ der Mon am kleinsten ist/ da er
am minsten attractiuisch ist/ dz nimpt sich
also/ das der new Mon zeucht / darumb der
new Mon des leichten humoris mehr zeu-
het denn der alt/ der alt ist rauch vnnnd hert/
zeuhet auch an sich den rauhen vnd herten
humorem / als ein junges ferz das kein ge-
waltiges brennen treibet von ihm nicht die
olea vñ herten substanz/ aber dz groß nimpt
hin das herte vnnnd rauch/ also auch in der
Sonnen verstanden wirdt / so sie am mor-
gen auffsteigt so nimbt sie nichts hinweg
den den tau / darumb das er leicht ist/ vnnnd
zu mittag die grossen vnd schweren wasser.
Nun ist dem Erdreich schedlich die berau-
bunge

Der rechten vnsinnigen leuthen.

bünge des thaws in ihrer krafft / denn der groben grossen andere feuchte / vnd das auß der ursach / wie wir de rore sehen : Vnd wie wol das ist / das die mitteggig Sonn thaw vnd subteils / grobs vnd rauchs mit einander auff hebt / Dis ist aber nicht in dem Mon das er einer solchen natur vnd eigenschafft sey / sonder allein fürkombt / damit das er dem hirn sein humorem subtilem nimbt ehe der voll kompt / der wird darnach bezwungen das grob zu nemmen / dann do ist kein subtilisch mehr / vnd in dem abnemmen so nimbt er wider zu wie thaw zu nacht / der denn widerumb im auffsteigen hingezogen wirt / Vnd wiewol das ist / das vil seint welche im abnemmenden Mone mehr vnsinnig sein denn im zunemenden Mon / ist darumb / daß der voll Mon ihnen entzogen hatt den humorem / den sie darnach jhe lenger jhe mehr entpfunden so er abnimbt / als die Sonn die dem erdtreich die feuchte zu mittag genommen hatt / das erst nach mittag entpfunden wirt so sie nider geht vnd also das erdtreich auffspalt vnd klaubt auß mangel des humoris / das vor mittag nicht

Von vrsprung

beschehen mag / vnnnd mag solchs in dem menschen wol beschehen das erst in dem ende des Mons ein solches erzeugen kompt / vnnnd das auß mehrer vrsach / das sich die stercke der natur repugniert / vnd weret sich bis zum ende das nit mehr mag / denn auch darumb der Mon zeucht für vnd für / vnnnd dieweil der humor im haupt ist / dieweil nimpt er / Also begibt sich die mechtigste vrsach das er an seinem ende am meisten gezogen vnd genommen hatt / darumb das ende am schwächesten ist / vnder dem neuen Mon mit neuer natur / neue würckung anhebt / dem alten vngleich. Also wir auch verstehn de insanis die da das auß Mutter leib her ererben / als ein geschlecht das vn-sinnig ist / oder ein Kinde vn-sinnig geboren wird / ist zwo vrsachen in dem / Eine vrsach das die sperma daruon mit sampt der operation ein schuld traget : Die ander / das die erblichkeit mag in die proles vom Vatter vnd Mutter gehen. Vnnnd die erste vrsach / der sperma begibt sich also / in sich selbst vnnnd in der operation / das sie etwan mangelhafftig in der krafft der materien /
darauf

Den rechten vnſinnigen Leuthen.

Daraus das Hirne gemacht vnd componiert
wird / denn auß dem / so etwan einem gliede
seiner materien zerüñ / zerüñet auch ihnen
seine rechte gestalt vnd natur / als wir de ge-
neratione hominis setzen in primo volu-
mine vnserer Philosophen. So also ein sol-
cher mangel da ist / so mag die vernunfft
nit vollkommen sein / denn der materien ist
nicht ein vollkommenheit da / darumb auch
kein vollkommenheit in der vernunfft ist.
Also ist auch ein andere vsach derselben
vnſinnigen Leuthen / die denn in der opera-
tion geschicht / also / so die wercken vnd ver-
fügungen der generation des Kindes im
meisten ist mit der componierung / vnd so in
dem virtus attractiua Lune insiciert / so
mag der Mon die vernunfft entziehen / vnd
also da kein vollkommene vernunfft nim-
mermehr werden / vnd wiewol das ist / das
solliche raubung möcht wol alle tag besche-
hen / denn der Mon zeucht alle tag / ist das
die vsach das es nicht beschicht. Die mate-
rien vnd der Mon müssen concordiern / deñ
nit aller humor cerebri mag vom Mon an-
gezogen werden / sonder der / der ihnen ap-

Vom vrsprung

proprijert ist/ wie wir de generatione humana sehen / So ein solche fügung geschicht/ so geschicht auch die beraubung/ Also mag die Luna ein entzieher sein der vernunft auß der geburt/ aber diß so denn im ertheil ist gebiert sich also/ das ihz vn^{sinnigkeit} im hirn lige / also inn der geburt auch der Kinder generatrix mangel nimbt im hirn/denn das hirn patris generiert das hirn filij/als wir de generatione hominis sehen/darinn eins sich dem andern nach naturiert vn^{eigenschaft} / auß im entspringt/ vnnnd wiewol das ist / das nicht allemal geschicht/ auß vrsachen/ der vermischten spermate/als Fraw vnnnd Man/ die entweder in seinem geschlecht der vn^{sinnigkeit} nicht hatt vnnnd das ander hat es / also mag das Kinde wol der vn^{sinnigkeit} nachschlagen/ oder der sinnigkeit von dem von welchem denn die augmentas am meisten gegeben wirdt/ auch mag wol so sie beide vn^{sinnig} sein / ein sinnigs geborn werden / dasselbig geschicht auß stercke der natur die das widerwertig vnnnd vnbequems hindan treibt/ ut de generatione humana In solcher gestalt

Der rechten vnſinnigen leuten.

ſtalt iſt vns auch de Beſanis zu reden / die
denn vnſinnig werden durch eſſen vñnd
trincken / vñnd das alſo / wie ſich viel begibt
das durch die Hüren zu eſſen gegeben wird /
daruon beraubung der ſinnen kompt / vñnd
das in vil weg / Etwan declinieret ein ſolche
vnſinnigkeit zu der liebe / als das ſie allein ihre
vnbeſinte auff die frauen legen / Etwan al-
lein auff Kriegen / darumb ſie allein auff
kriegen vmbgehen / vñnd doch da kein ver-
nunfft iſt / Etwan mit ſteigen / kletten / vñnd
lauſſen / Etwan in vil ander vnzalbarlich
weg / die wir nicht ſehen / ſonders wol ſonſt
gemerckt werden / Vñnd wir ſollen vns deß
nicht verwundern / das es möglich ſey das
durch ſpenß ſollichs mög beſchehen / denn
es iſt möglich / vñnd nach vil minder ſollen
wir vns verwundern vonn ihren geſtibus
die ſie treiben / denn warumb ? da iſt ein
groſſe würckunge in ihnen die ſie vom
tranck oder ſpenß haben entpfangen / vñnd
das in viel weg / ſo wellen wir die vier vn-
ſinnigkeit die von eſſen vñnd trincken kom-
men erzellen / vñnd darben in capite de cura
weitere reden ſein notturfft.

Von vrsprung

Vnnd am ersten/die da gessen vnnd ge-
truncken haben dasz sie einer hold müssen
vnd bezwungen sein zu werden/ ist also/das
etliche stück sein die wir vnbeneldet hie las-
sen/so einer die einem zu essen gibe/ Frawen
oder Mennern/ wirdt da ein vnzerbrechli-
che liebe für vnd für/ darauß kompt das et-
liche Knecht die ihren Herren solches zueß-
sen zu schmeichlen/dauon ihnen entspringt
ein solche liebe/das die Knechte vber die Her-
ren sein/wie wir de republica melden/ also
durch solche arznei die Hunde vnnd das
vnuernünfftige Thier auch in ein solche
liebe gezogen werden gegen denē so es ihnen
geben/ vnd das ist natürlich vnd zauberisch
in solcher gestalt/ die Frawen den Men-
nern solches geben/ damit sie in ihnen also
verheurath nachlegen/dasz sie kein vernunfft
haben wormit sie vmbgehen/ dann allein
auff die Frawen die es geben hatt/ vnd wel-
len es jezunder dabey lassen bleiben/vonn
anders anzeigens wegen.

Die andern die sich auff kriegen legen/
ist dise vrsach/ das ihnen zu essen gegeben
worden ist/ das sie ganz vnnsinnig sollen
sein

Der vnſinnigen leuten.

ſein/ vnd ſo ihr natur Choleriſch iſt/ ſo wer-
den ſie auff demſelben allein eingedruckt/
vnd iſt allein ein vnſinnige kriegiſche weiß/
alſo durch eſſen gegeben worden/ Vnd alſo
auch von den Melancholiſchen vnd Fleg-
matiſchen zu reden iſt / die ihr natur vnd
complexion anzeigen in ſolcher vergebung.

Die dritten die da ſteigen vnd hoch auf-
ſaren vnd ſtets vmblauchfen / iſt auß der na-
tur deß dings das ſie geſſen haben/ daſſelbig
treibt ſie alſo vmb das ſie müſſen ſteigen
vnd klettern / das iſt auß der natur huius
rei/ vnd nicht deß menſchen/ Vnd ſo es vns
zuſchreiben billich wer / wollen wir in dem
nichts verſchweigen / das in den weg wol
zuverſchweigen iſt / denn da iſt ein groſſe
Philosophia vnd contemplaz de natura
illius rei/ dabey wir es alſo bleiben laſſen.

Alſo zum vierten auch zu verſtehn iſt /
das wie gar nicht melden/ vnd mag wol den
menſchen von aller ſeiner vernunfft nemen
vnd bringen/ auß der arth der vorbeſchrieb-
nen/ vnd wiewol etlich incantationes auch
ſolches thun/ wollen wir aber hie nicht mel-
den / ſonder incantationes auch ſolches
thun

Curader

thun / wollen wir aber hie nit melden / sonder de incantationibus setzen. Also nach vnser ersten dises capitels aufteilung / welchen wir von den Melancholicis auch setzen. deren vier geschlecht sein / als Melancholici / Cholericci / Sanguineci / Phlegmaticci / so solch complexiones die vernunfft nemen / ist das die vrsach das sie ihren spiritum vite von ihnen treiben / dem hirn zu / das ihr zuwil feindt / das wir nichtes hie melden / sonder es befehlen den andern / so de complexionibus schreiben.

Der ander Tractat oder Methodus von der Cur vnd hey lung / das Erst Capit- tel von der cura cadu- ci deß fallenden Siech- tagen.

Nach dem vnd wir in dem ersten tractat vom caduco den vrsprung gesetzt haben / wollen wir hie für vns nehmen
die

fallenden sucht.

die heilung zu erklären / Et ne admiramini de cure potentia huius egritudinis / Dann auß der vhsach / Alle franckheit im leib wie sie geboren werden / also in der arznei werden ihr cur auch geboren / vnd wiewol nun bisher ein vnmögliche heilung diser franckheit gesetzt ist worden / Darumb das sie nicht mehr verstanden haben / oder villeicht verschwigen / als wir in andern enden auch melden / so ist das vnser grundt auß dem wir vnser medicin setzen / vnd vns die experientz das angeben hat / darumb wir nicht hinder sich drachten / sonder zweyerley arznei beschreiben / Eine die da ist auff ihrs gleichen spiritualisch / vnnnd also verstehend vns / das zweierley franckheit seind in allen menschen / materialisch eine / vnnnd eine spiritualisch / dasselbig erklären wir de principijs sanitatis et egritudinis / Nun soll auff materialische franckheit ein materialische arznei gebraucht werden / Vnnnd auff ein spiritualische franckheit ein spiritualische arznei angenommen / Darumb so reden wir das / das Caducus ein spiritualische franckheit ist / vnd nit materialische arznei
hülfflich

Cura det

hülfflich sein mag/ Also soll vñnd müß die
medicin spiritualisch sein auff die spiritua-
lische franckheit. Vñd wiewol das ist/ das
kein spiritualische arznei ist/ allein/ die dar-
zu gemacht wirt/ daruon wir hernach wol-
len vnser practie anzeigen/ vñnd das am er-
sten verstan in zwen weg/ der ein/ das etliche
arznei finde die da materialisch sind vñd
spiritualische franckheit heilen/ als diß re-
cept düt/ das heilet morbum caducum vñnd
ist materialisch in dem weg zu verstehn/ in
fast jungen vñd newen.

Recept Caduci.

Recipe Camphore / spodij / unicorna ee.
Fiat puluis/ das soll geben werden in einem
weich gesotten ey ꝛc. Vñd das puluer des
gleichen ꝛc. Auch die latwergen ein jetliche
morbum caducum stelt/ Recipe ꝛc. Vñnd
wie wir jetzt haben angezeigt die materialisch
arznei wider die schwere franckheit / ist ihre
wirkung allein ein verstopffung der geng-
dardurch die franckheit auffsteigt/ Auch ist
ihz würckung also auß grosser kette/ das sie
die materiam coaguliert vñd tödtet das sie
vñnent.

Fallenden suchet

vnentpfindlich wirdt / als so einm ein glied
 in einem erfroren wirdt / vnnd das geschicht
 also / Recipe Camphore ꝛc. Etliche sein die
 ihn heilen a forma specifica / als peonia / vis-
 cus quercinus / Etlich sein / die ihn ganz
 vnentpfindlich machen / darumb er nicht
 mag fürbrechen / vund das geschicht damit /
 Recipe opij / mandragore ꝛc. Solch mate-
 rialisch arzneij ist allein / in der würckung
 wie wir erzelt haben / darumb so hüfft sie
 nun in fast jängen vnd do die frantcheit nie
 vberhand genossen noch gestigert ist / So
 nun die arzneij wie wir ject de materialibus
 anzeigt haben nit gwis / noch in allen / noch
 eigentlich hüfflich mag vnnd kann sein / so
 wollen wir zu der spiritualischen gehn die
 vns einen Caducum gesund machet / vnnd
 wollen nicht nachfolgen der schrift die wi-
 der vns ist oder vns diß verbeit zu thun /
 Wir wollen auch nit glauben darin setzen /
 dieweil vns die experientz mehr anzeigt / dan
 vnsern widersächern widersagen / verstan-
 den haben vnd noch verstehn / Wir wollen
 auch mit vnser cur specificiern / in analep-
 siam / catalepsiam / epilepsiam ꝛc. sonder für
 einen

Cura der

einen gemeinen caducum halten vnd practiciern/vnnd mit einem beschlossen haben/vnnd doch vnser schreiben de origine caduci nit verwerffen/sonder derselbigen destichie vnnd die recept desgleichen auch dem nachgeben/So wir nun also die cur zu verstehn geben/seind zu mercken vier articel/Der erst/das die arznei die da subtilisch vnnd spiritualisch werden soll/soll sein latum post spiritualitatē/ Der ander/das sie soll incorporiert sein cum constrictiuis venarū/ Der drit/das sie soll specificiert sein cum appropriatis/ Der viert/das sie soll sein von dem simplex auß dem ein subtieler geist gehet/der da durchgang den ganzen leyb als ein Elixir oder arcanum/vnnd nit anderst als ein quinta essentia/sonst ist kein eingang der gewaltig mög herschen diß franckheit/Dann sie muß höchet sein im grad in welchem die franckheit/so wollen wir also die vier articul erzelen welche stück darunder begriffen/vnd darauß ein spiritualitet mag genommen werden wider die franckheit/vnnd ober dem ersten articel von coagulatis das seint die.

Coagulas

Fallenden sucht.

Coagulirte seind dise.

Cāphora/ Neunphar/ Cristalli/ Spodiū/
Sinapis/ Sperma ranarum/ Unicornu/
Coralli/ Mumia.

Constrictiva.

Bursa pastoris/ Verbena/ Salix/ Coralli/
Hypericon/ Rose.

Specifica.

Biscus quercinus/ Peonia.

Von den subtilisten geistern sindt dis:

Vitriol. Vngar. Vitri. Cypriam?
Vit. Romanum. Tartarus crudus. So
nun dise vier gwalt haben/ in morbo caduco
zu heilen / so finden wir noch sedatiua die
darzū wunderbarlich würckung haben so
sie in die spiritualisch geist vermischet wer-
den vnd seind dise.

Opium optimum/ Mandragora/ Pa-
pauer/ Solium/ Hyosciamus/ Bua versa.

Vnd nicht das wir dieselbigen in der ge-
salt brauchen als sie vns erscheinen/sonder

dieselbigen nach ardt vnd bräuch vnser pre-
 parationum in Archidoris/dañ wir möch-
 ten mit keiner zeit diser dingen dugent ersetz-
 tiget zuschreiben/als wir dann im nachuol-
 genden recept heyterer erkleren/ Also seindt
 auch andere arzney die da seint confortati-
 ua medicamina / durch ihr trefliche ster-
 ckung der natur/helffen den caducum auß-
 treiben/ vnd seind dise/ Aurum potabile/
 Oleum auri/quinta essentia auri / Mate-
 ria perlarum/Corallorum solutio/Magis-
 terium aatimonij/ Extractum Sulphu-
 ris/Mercurius reuerberatus. Dise arzney
 sein also einer wunderbarlichen krafft das
 fürwar nit zu glauben ist / das also in der
 natur soll verborzen ligen/ Vnd solche vnd
 andere franckheit die da sunst in kein weg
 zu heilen sein vnd vnmenschlich zu glauben/
 darumb wir in der arzney nit verzagen sol-
 len oder verzweiflen dann der conditor der
 seinden/hat auch seindt gegen ihnen wide-
 derumb condiert/vnd kein franckheit ist die
 den menschen tödten noch enden mag/dañ
 alle franckheit zu heilen seindt/keine außge-
 nommen / sondern in dem gebrist/das wirs
 nicht

Zinfallenden sucht.

nicht alle verstanden das wir de morte & vita declarirn was der todt sey. Also wölen wir die sedatiua vnnnd confortatiua nit melden zu machen/dann/ sie an ihnen selbst gerecht seind wider solche kräckheit / daruñ sie keiner besserung bedörffen/ Vnd wiewol das ist / das die sedatiua ein bereitung bedörffen / doch nit anders dann wie wir in recept werden melden von ihnen/ Vñ finde das vnser erste recept darzü ein guter art ist gehört der nit allein in geschriffte belesen sei/ sonder auch noch viel mehr fertich vnd geschickt mit der handt/wie dann in vnserm Archidoris vnnnd q. e. geschriben wird/ Es ligt vil doran / darumb so mag es hie nicht beschriben werden / also deutlich wie sie darñ die experiens gibt vnd vnderweiset / vnd ist das ein stück das nicht durch die medicos erfunden ist / sonder durch die artisten / die dann der subtiliteten genzlich bezwinger sein vnd anfenger/vnnnd wirt nicht ein arznei oder remedium geheissen / sonder arcasnum/vnd das auß vrsachen/das seine edle tugent die in ihm wunderbarlichen ist/vñ nach vnserem geduncken nicht gar am tag

Cura der

ligt was sein eigenschafft ist vnd virtus/
 doch so wollen wir dasselbig arcanum hie
 setzen fur ein curam caduci/ vnd der andern
 seiner tugent schweigen / So ist nun zu
 mercken / das sein machen manigfaltig ist
 vnd in viel weg / vnd als mancherley sein
 machen ist/also mancherley ist auch sein tu-
 gent/ Vnd ist zu verstehn / das nit ein jegli-
 ches solchs arcanum diese tugent hatt / son-
 der allein die merist krafft in der preparati-
 on ligt vnd scherypffe der arbeit / auch deß
 gleichen im simplex / dann eins auch mehr
 soll dann das ander / Dis simplex ist Vi-
 triolum das do kompt von Ungern oder
 Cypren oder Rom / der dann sonderlich
 wol gradiert vnd gelüttert ist / Vnd nimb
 du des kein vnwillen auch mißfallen / das
 der Vitriol ein solche krafft soll haben/dan
 auß der vrsachen das in jm ist ein heimliche
 gewisse arth / Nit corporalisch sonder spiri-
 tualisch/die vbertreflich tugent mehr dann
 im golt bey ihm hat / als wir de generatio-
 ne Salur n terre setzen / Ein solcher goldis-
 scher spiritus des Vitriol wirdt also
 gesabtiliert vnd von dem impuro
 gescheyden

Fallenden sucht.

gescheiden/also dz allein ein essentia geheis-
sen wird / die sich vergleicht auro potabili/
vnd das weiter also / Nimb einen wol gras-
dierten guten Vitriol (dererley wie wir
anzeigen) wicuil du wilt/auff das wenigst
fünff pfund / den thun in ein irdin kolben
der alle feur bestand / also groß das der dritt
theil nit gar erfüllt sey / denselben kolben setz
in ein recht wol gemacht Athanar / wol ein
lutiert vnd darauff einen grossen alembic
mit luto hermetis anzogen / darfur einen
grossen recipienten / desgleichen an ein spi-
racul verkleibt bey dem hertesten / darnach
laß droeknen vñ feur an / nach der artisten
gebrauch gemechlich / die zeichen zu mer-
cken bey den spiritibus vnd tropffen / auff dz
so die wasserkeit alle heraus kompt / so dreib
die spiritus heraus mit gewaltigem feur
also lang vñd sie gond (das weret gemein-
lich auff zwen tag vnd nacht) ohne vnder-
laß / Vñd wiewol darzu vil lernens vñd
vnderweisung bedörfft anzeigen zu werden/
so vermeinen wir / dem geschickten arzet
sey genug gesagt / Der dann nit geschickt
darzu ist / dem ist es besser er verstande das

Cura der

nit. So merck nun also / das sich in den
 athanar alle virtus heraus nimpt was in
 dem vitriol ist / Vnnd sich vil mutationes
 vnd colores vnnnd spiritus / dasselbig ist nach
 dem vnd der vitrill ist / Etwan schmilzt ein
 venus im kolben zusammen an ein klozen /
 das allein auß dem vitrill kompt / Etwan
 dasselbig mit viel goldts / Etwan geht der
 gang vitriol hinüber / Etwan verbrennt er
 zu rot oder in schwarze kolen. So nun also
 die distillas geschehen ist / so nimbe ein gläsen
 viol vnnnd schüt darein dis distiliert vitrill
 wasser / stoß den dotten kopff klein / leg ihn
 darzu / distillers nach ein mal / das alles gläs
 zusammen schmelz / so empfacht es in diser
 destillation die rechte vnnnd dapffere geschick
 lichkeit seiner Essentien / vnd die krafft oder
 tugent penetrandi / dann so nimbs vnnnd
 scheids in balneo maris so geht die flegma
 daruon vnd bleibt in fundo ligen ein öl / das
 selbig oleum ist geheissen arcanum vitrioli /
 aber hie merck / das wir den flegma so dar
 uon gescheiden wird grossen glauben ge
 ben / schier gleich dem Oleo / dann gar nie
 mit wenig tugent es erstheet / Auch so wir sie
 beide

Der vnsinnigen leuthen.

beyde vermischet zu brauchen geübt gewes
sen / darumb es vns beyde für arcana er
schossen seind vnd gewesen. Sein Dosis
ist ein halber scrupul in einem guten wein
oder wasser/alle morgen vnd nachts auff
die auff hözung der paroxysimum / Dis ole
um ist genugsam allen caducum curiern/
vnd wollens darbey lassen bleyben/ dann
was wir durch es erfahren haben vnd was
vns begegnet ist / wer hie zu setzen verdros
sen/ daruff wirs hindan schlagen. So sind
auch noch andere mehr handgriff vnd weg
das arcanum vitrioli zu machen/ als durch
retortam auff etlich wochen zu brennen/
Etlich durch ligenden kolben / Etlich durch
pellicanen/ Etlich durch putrefaction/ Et
lich durch vil destillation / Etlich durch vil
commistion cum aqua ardentis / Etlich mit
vil inhibierens/ item calcinierens/ reductio
nes &c. Vnd dergleichen/ das wir alles loben
vnd ein gefallen daran haben/ doch hie nit
zu schreiben vermeinen nodt zu erfodern/
dann einem jetlichen guten vnd rechten
arzet genugsam wissen sein von denen vil
dergleichen. Nun so lassen wir die modos/

Curader

vnd procedieren nach den recepten wie wir
 sie im anfang des capittels sehen mit den
 articeln / vñ geben vns diß zu verstehn / das
 arcanum vitrioli soll am ersten für ein cor-
 pus genommen werden / darein soll gelegt
 werde diß recept / Recipe Camphore / Spo-
 dij / rasure Tranei / vnicornu / santalorum
 alborum / rubrorum / citronorum ana vn-
 ciam vnam / Corallorum / visci quercini /
 granorum peonie / radicum peonie ana vn-
 cias duas / diese stuck sollen geriben vñnd zer-
 malet sein auff das kleinist / vñnd in das ar-
 canum vitrioli ein pfundt gelegt werden /
 also laß an der digest stehn auff ein monat /
 demnach wie gebraucht steht / Wiewol vñd
 wir sehen das arcanum vitrioli gnugsam
 zu sein / alle caducos zu heilen / darumb nit
 die notturfft erfordert / recept / composita
 oder simplicia den darzu zuthun / so ist das
 die ursach vnser compositi / das der vitriol
 vngleich ist / etwan verzothen / etwan nicht
 wol prepariert / etwan mit einem anderen
 mangel auß dem ihm ein hindernus ent-
 springt / das er in der tugent schwächer ist
 dann er sein soll so er vollkommen ist / Sol-
 chen

S. Allendensucht.

chen Schaden kuffen die recept vor/ Nützlich
wan die artisten mit dem laborieren felen/
daruon auch ein mangel geschicht/ Nun ist
zu verstan wie wir darzu setzen sedatiua/die
selben sind mehr dan zu glauben / ist nutz-
lich darinn/ als Opium Thebaicum vnnnd
dergleichē die andern/wollen wie ihr vermis-
schung anzeigen/vnd bereitung ist also: Re-
cipe opij thebaici ij. quint. cinamomi j. lot/
musci/ambre ana ein scrupul / seminis pa-
paueris vtriusque j. lot/ mandragore halb
quint/succi hyosciami j. quint/ mastiticis iij.
quint/mischs klein gstossen zusammen vnd
mach darauß ein zeleli mit gesotten küt-
sensafft vnnnd vergrab es in ein kütten
wol wider zu gmacht/ demnach in ein teig
gethan/vnd in dem bachoffen lassen bachen
wie ein brodt/demnach heraus genommen
vnd zerstoffen/vnd genommen j. lot vnder
fünff vncien arcani vitrioli. Also wellen
wir die ganz cura caduci beschlossen haben/
vnd wiewol noch vil mehr Arcana/ Magis-
teria/ Elixiria vnnnd dergleichen seind/ als
aurū potabile/ mercurius/aqua vite/die all
in caduco gnugsam sind/ werden hie nit ge-
meldet / Sonder ihr beschreibung haben

wir de Quinta essentia gesetzt / darbey wir
es alhie lassen bleiben.

Das ander Capittel De cura manie.

Son der manien dergleichen zu re-
den ist in massen wie wir de caduco
gered haben zu der cur zu procedieren ist/
so sind zweyerley artzney die maniam nem-
men/ein chirurgische vñ ein physische / Vñ
sich auch vil begibt das sie beide sollen ge-
braucht werden / So wollen wir am ersten
die chirurgische practic setzen / derselbigem
nach die physisch / vnd dann darbey melden
die experimenten die darzu gehören vñnd
ordiniert sollen werden / Vñnd wiewol wir
die chirurgi schwerlich setzen / vñnd in treu-
wen raten / das keiner derselbigen soll brau-
chen er sey dann der chirurgi vnderricht /
vñnd vnderweyßen durch eigne erfarenheit
in allen zufellen / wie wir auch solche anzei-
gen in libro de externis curis / vñnd ist vnser
practic der chirurgi also begriffen / Zum er-
sten

Manie.

sten so mach ein aperitiff auff das end do die mania entspringt/vnnd so aber du in zweifel werest/so offne alle extremitates / an den zehen/an den fingern / auff dem haupt / als weit der centrum den selbigen circul gib / Dis offnung ist zweyerley / Eine die do allein die haut auff hept vnd hinweg düt/ vnd also ein bloß fleisch darunder bleibt / Die ander macht löcher also das ein escara hinauß feld vnd demnach ein loch bleibt / So mercken / das solcher vnderscheid sein sol nach gestalt der krankheit/ vnnd das also so die krankheit starck wer vnd vil/so ist der erste offnung der haut/ nit genug außzulassen dem vhsprung manie/sonder die ander darumb das sie mehr gelöchert ist/ dann ein jetlich loch hat ein proprietet zu emitirn als ein emunctorium/darumb so folgen beider aperitiuen hernach/vnd das also:

Erst Aperition.

Recipe radice flammule recentis vel in aceto imbibite / florum flammule recentium imbibitorum ana/pinguedinis Weilanders kaserli j. loht / cantharidarum drachmas quinque

Cura

quinque fermenti / aceti ana quantum suf-
 ficit / alles klein gestossen / mischs wol durch
 einander zu einem vnguent / das leg auff
 ein tuch also weit vnd die finger begreiffen/
 vnnnd so es troeknen wolt / so neh das durch
 außwendig wider mit essich das es feuchte
 hab / das laß ligen auff fünff oder sechs stun-
 de / dann thus herab / vnd schneid die blatern
 auff / vnnnd zeuch die haut ab / so hastu das
 bloß fleisch an dem orth. Aber hernach se-
 hen wir ein ander milte aperition zu brau-
 chen zu den zeitten so vorgemelt ding nicht
 möcht gehapt werden / vnnnd das ist also/
 Nim ein gut aqua fort ij. lot / salis Amonia-
 ci sublimiati j. lot. / Mercurij / sublimati iij.
 quint / diß misch zusammen in ein glas / setz
 auff ein feurlein / laß also zammen soluiert
 werden in ein wasser / mit dem wesch die
 weite der extremitatem ein mal oder sechs/
 demnach laß troeknen so geht die haut he-
 rab wie ein puluer vonn dem fleisch / So ist
 doch ein jegliche aperition mit den jez be-
 melten stücken genugsam die haut abzuzie-
 hen / haben etwan die haut abzogen vnnnd
 vom fleisch hindan geschelt das vns am bes-
 sten

Manie.

sten gefallen hett/ vmb viel vrsach/ das des
 blüt so darmit heraus kompt / ist ein grosser
 theil der minderung manie/ dann ander etz
 wann mit flieten die extremitates haben
 lassen auffbicken / wiewol es doch vom bis
 cken nit genugsam ist zu ensiehen die ma
 niam/ sonder mit ganker apertion / So
 dan jez gemelte aperitiuen die nit gefellig
 weren/ so fleiß dich der vlceratiuischen aper
 tion deren die da also werden / Recipe mer
 curij sublimati / arsenici puri/ aque fortis
 ana / diß diß misch zu eine ceroten vnn
 binds auff die extremitates also lang biß die
 empfindtlichkeit wol versauset/ demnach so
 mollificiers mit einer feiste das die eschyp
 ra sich heraus ledige/ demnach so es ledig
 ist / so folgt hernach die ander practic/ So
 du also die apertiones gemacht hast / so
 merck/ das durch die / der fluß manie soll he
 raus zogen werden / vnn mit allen seinen
 materien wie wir dasselbig erkleren in capi
 tulo de Mania/ vnn das geschicht allein
 durch ein attractiff / das ober die vlcerierten
 extremitates gelegt werde alle tag zwey
 mal/ vnn das zeucht in sich disen mangel/
 vnd

Cura

vnd nach ende diser ansich ziehung/ heile es
 zu wie hernach folgt/ vnd das attractiff soll
 also werden/ *Miiñ galbani/ oppopanaci/
 serapini/bdellij/ ammoniaci/ana fünff lot/
 diß soluir in acetoco/liers vnnnd sieds in sein
 dieck/demnach vernusch darein vorhin wol
 klein geribne dise species/ vnnnd am subtilis
 sten cribriert/ Recipe masticeis j. lodt/ thur
 ris ij. quint/ carabe ij. lodt/ vne verse/vn
 gule caballine ana halbe handuol/ magne
 tis iij. quint/ colophonie ij. quint/ fürnisse
 fünff quint misch also zusammen in ein ce
 rotum/dasselbig leg vber vnd füll die löcher
 der extremitatum wol an/ vn̄ ernewere alle
 mal das bandt/ vnd das so lang bis du ma
 nie attractionem erkennst/ Demnach so heil
 es zu nach gemeinem brauch der wundartz
 nen/wie wir jez von den aperitiuen vnd at
 tractiuen gesetzt haben / So merck da ein
 notabile/das die aperitiones des haupts
 sollen die letsten sein nach dem vnd die an
 dere extremitates alle wider zu sind vnd be
 schlossen/ So dan̄ die nocturfft dz wil erfor
 dern so apperier das centrum capitis auch/
 vnnnd procedier wie vor/ Also haben wir ein
 vnder-*

vnderricht die maniam zu heilen durch
 chirurgiam in massen wie angezeigt ist / Aber
 da ist auch zu mercken das etlich aderen
 sind die do sollen geschlagen werden vnd er-
 öffnet / Vñ begibt sich das durch solche lessi
 die mania weicht / aber wir thund hie kein
 red daruon / darumb das es gemeinlich wis-
 send ist. Also wollen wir jez de cura manie
 weiter reden vnd das nach der Physischen
 arth ohne brauchung der chirurgie / So ist
 zu mercken zwo vnderscheid in diser cur/
 Eine die abfület vnd congeliert materiam
 peccantem manie / Die ander die do stilleet
 vnd tödtet die materiam / auß deren mania
 geboren wirdt / Vñnd wellen also von dem
 so maniam abfülen vnd congeliern von er-
 sten reden / dise mag außwendigen vñnd in-
 wendigen beschehen / durch inwendige arz-
 ney vñnd außwendige abkühlung / so setzen
 wir das merertheil de cura caduci vñnd die
 description von ihnen also: Nimb olei cam-
 phore ij. lodt olei musci j. quint / commisce
 vñnd gib j. halb quint auff ein mal zu trin-
 cken / dann das nimpt w'underbarlich ma-
 niam hinweg / das lesset auß die hize des
 leibs /

leybs/vnd nimbt das wüete n im blät/vnnd
 congeliert die materiam zusamen/als ein
 Felte ein wasser zu eyß/vnd haben kein recept
 dem gleich nie erfunden/ So mag auch
 wol solchs oleum von aussen angestrichen
 werden vber den schlaf oder stirn/ Aber sind
 auch noch vil mehr die maniam hinweg ne-
 men/als die stück vnd arcanen in der quin-
 ta essentia/deren dann viel seind/do ein jeg-
 lichs mag maniam hinweg nehmen auß
 der grosse n proprietet vnd confortation die
 in ihnen ist/ als quinta essentia argenti/
 quinta essentia Saturni/ solutio cristalli/
 quintum esse Martis/quinta essentia Mer-
 curij/ solutio coralli &c. auch vil mehr der
 stück die darzu appropriert werden/ als ex-
 tractio camphore/extractio Solis &c. Dem-
 nach ist der ander weg zu heilen diß mania-
 am durch die stück die maniam abtöden
 vnd weiter die materiam peccantem mate-
 ria Manie/ & Mania nimmermehr entsum-
 den wirdt/derseibigen seind auch mancher-
 ley vnd mögen v von aussen vnnd innen ge-
 braucht werden/ vnd sind die besten so auch
 noch arth der extra ction oder quinta essen-
 tia

Manie.

lia gemacht werden / als summum anobis
 num quintum esse mandragore / quintum
 esse oppij / quintum esse papaueris / essentia
 lollij / hyosciami / Vnd wiewol das hefftig
 vnd mechtig arzneyen seind zu brauchen /
 So sint sie durch quinte essentie eigens
 schafft also gereinigt vnd außbuzt / das in
 ihnen kein mackel noch vnreinigkeit erfun
 den mag werden / dardurch dem leyb ein
 schad möcht geschehen / sonder senfft vnd
 mit die materiam tollieren vnd hinziehen /
 deren virtutes sind vns hie nit zu beschreis
 ben in was weg solche grosse vnheilbare
 krankheit durch sie genommen werden /
 sonder in quinta essentia dieselbigen mit ge
 nugsamer außlegung entdecken / vnd wöl
 len also de cura manie auffhören hie / vnd
 vns gnug vnderricht haben / dann durch
 ander ärzte wird auch viel darzu verstan
 den / vnd von ihr gesagt in der heilung ma
 nie / die dann auch durch ihre explicaz wider
 maniam vil erfahren vnd erfunden haben /
 auß den simplicibus crudis / deren wir vns
 nit beladen / sonder mit quintis essentijs vñ
 operationibus die vns dann am nützlich
 st. n erschossen sindt.

Das drit Capittel de
cura Vitiste vel choree lasciuve vel
leuitatis animi.

Und wiewol wir hie curam vitiste se-
hen das dann möcht vil vnbequem-
lich schezen vnd beduncken/ vnnnd das nach
ihren vrsachen also/ das Vitista von Sant
Beit den namen hab / der dann den leüten
solche franckheit für ein plag zuschickt / oder
Gott in seinem namen vmb ihrer sünden
willen/ das wir nicht absprechen das etwas
dem gleich sey / doch das nit vns zu verstan
ist das ein plag sey / also / das Gott der sey/
oder der heilig / der vns sollichs zufüeg / son-
der das wol verhängen vnd zulassen / das
durch die schwer Sant Beis dans ein sol-
che imaginas kommen mag/ die introdu-
ciert diese franckheit / vnnnd also das gemein
volck semlichs für ein plag des heiligen
acht / das doch allein egritudo estimatiua
oder imaginatiuam ist / wie wir dan in
seinem capitulo de origine eius gesezt / son-
derlich wider solcher vitist cum estimatio-
nem

Vitiste.

nem oder imaginationem geben wir ein
sonderliche cur / Darnach so sie auch ein
vsprung auß leichtfertigkeit des gemüets
vnd mit verhengung des willens / Das dan
chorea lasciua oder leuitas animi geheissen
wirt/haben / setzen wir wider diß leuitatem
animi ein sonderliche andere cur / Vnnd
zum dritten contra choream coactam / der
dann sein vsprung auß der natur hatt / se-
hen wir auch dergleichen sein natürlich me-
dicinam / darumb diß practic in drey weg
zu verstan ist / da kein cur der anderen hilffe
sonder ein jegliche sein eigene cur erforderet
vnd haben will / Vnd am ersten die cura co-
ree estimatiue vel imaginarie so vom flu-
chen / merck das auch ein vnderscheid zwis-
schen estimation vnd imagination ist / Das
einem auß zorn / dem anderen auß geile
kompt / darumb wir do vitistam das erst hei-
sen das ander das erst lasciuiam / vnnd teilen
sich in der cur / Also vitista auß zorn ist also /
der patient sol machen ein bildt jm gleich
von wachs oder hartz / vnnd soll ihm in sein
gedencken nemmen das alle die schwüer so
er gethan hatt nach seinem willen in disem

bild sollen verbracht werden / Vñ das also/
 in jm gedenccken als ob er genzlich in das
 bild geschworen hab/ vñnd also sein gemüt
 vñd gedenccken dises schweren on einfaltung
 anderer personen allein vollkommen in das
 bild setzen/ vñd darnach dasselbig in solchen
 meisten gedenccken in das feur werffen/ vñd
 gar lassen verbrennen / das weder aschen
 noch fuligo daruon auß der materien des
 bildt erfunden werd corporalisch/ in disem
 wie wir jez gesetzt haben / gehnt die gedan-
 cken also krefftig vñd starck auß ihm in das
 bild/ das sich nit wider in streben mag noch
 stellen/ als wenn es lebendig were / Dañ die
 flüch in den menschen werden verbracht
 an denen die sie thund vñd nit in denen ge-
 gen denen sie gethon werden/ auß der vrsach
 das der andren miltigkeit nicht mag gelebt
 werden mit ihrer feinden zorn/ als wir de
 imaginatione setzen/ Sollichs widerstreben
 ist keins in dem bild/ sonder es wirt corpora-
 lisch verbrennt/ also das disem die gedanken
 all genommen werden / auß was vrsachen
 das soll gründtlich verstanden werden/ set-
 zen wir de imaginationibus et incantationi-
 bus

Manie.

nibus impressionibus/vñ ist möglich wañ
 solch bild ein eschen ließ nach ihm corpora-
 lisch das dem francken vngelholffen wer/
 ganz von der franckheit/denn das allemal
 ein remanenz angienß/darumb allein hartz
 oder wachs genömen soll werdē/vt de ima-
 ginibus et impressionibus. Vnd wellen als
 so genug de cura vitiste ex ira gesagt haben/
 vñ de chorea/lasciua et impudica anheben/
 das also/Nach dem vnd wir durch die expe-
 rientiam haben das nit selen mag/das ein
 widerwertigs das ander vertreibt/vnd das
 natürlich/Wiewol diß in manchen weg
 geschicht vnd verstanden wirt/So wollen
 wir also auch hie vnser experiens setzen/das
 mit lasciua vñnd intemperata außgejagt
 werde/vñnd ist also/So ein choreista fiel/
 auß geyle anhiieb zu danken/das mererteil
 in den frawen geschicht die do mehr estimas
 vñnd cogitas haben dann die mann/Vñnd
 auch vil stercker vñnd krefftiger imaginiren/
 vñnd leicht sich selbs von der stercke ihrer na-
 tur oberwinden vñnd sie expelliern/so ist kein
 bessers/dann das dem wider ist mit gedans-
 cken vñnd wercken/vñnd sind die/ihr gedans-

Cura

cken seind frey vnd geil vnd mit aller leicht-
 fertigkeit vnuerschampt ohn alle forcht vnd
 weren/verdreibs also / Sperz sie ein an ein
 finstere / laß fasten zu wasser vnnnd brodein
 güte zeit ohne erbarmung an einen vnges-
 schickten ort/durch das wirt sie wider bewe-
 get von dem hunger an ein ander natur vñ
 gedencen/also/das jhr die geile da entzogen
 wird per abstinentiam/das daß best ist/ dar-
 uon vergehn jhr die vnkeuschen werck / das
 blüt setz sich nider / der spiritus vite vnnnd
 lasset nach/das hertz nimbt an sich ein mil-
 tere trauren auß der verenderung des ge-
 fangenen lebens vnd der sorglichen statt/ al-
 so das durch die zwey die alt franckheit/hin-
 gehet/vnd wird tristitia ein meisterin in jr/
 in der kein frewd ist / kein lachen/kein dan-
 ken/kein hülen zc. So also das beschehen ist/
 so laß sie auß / gemechlich / von tag zu tag
 nachzulassen das hert leben/die speiß teglich
 vmb ein wenig zu bessern / die gefencknuß
 ein wenig mehr milteren/biß die melanchos-
 lei auch verzeret wird vnd wider zu der rech-
 ten vernunfft kompt / Disz regiment ist wi-
 der die gedanken vnnnd wercken diser leüth/
 vnd

vnd ist gar ein vnbesinnig ding das mann
 ein in solchem danz nachfolgt / vnd mit
 ihrem willen/leben/nachfolgen/mit singen
 danczen/2c. Das alles ein anreizen ist / vnd
 ein fürderung der franckheit. Vnd ver-
 meinen etlich / wo sollichs nit geschech so
 müesten sie sterben/ Das nit also ist / Son-
 der des ist besser / ein guten stecken genom-
 men vnd wol geschlagen / vnd in die gefeng-
 nusz als vor steht glegt. So ist das herwider
 zu mercken/so sie geschlagen werden/das sie
 ein zorn in ihnen empfahen der sie mag dö-
 den/darumb auffzumercken ist ein vnder-
 scheid da zuhalten/wiewol es selten felet / es
 geradt zum bessern so sie in kalt wasser ge-
 worffen werden. Also wir auch von der drit-
 ten cur naturalis choree die auß der natur
 kompt sein heilung setzen / also / als wir inn
 cap. de chorea setzen / wie das der vrsprung
 sich erhebt durch die lachenden aderen/vnd
 also zu dem danken vnd springen kommen
 nach seiner eigenschafft/Wellen wir dieselb
 cur disem vrsprung nach setzen in zwen weg/
 durch inwendig vnd außwendig/ darbey zu
 dem außwendigen verstan ist / die stett vnd

Cura

Orter da sich die Franckheit üebt vnd erzeigt
 Vnd sind die inwendig arznei auß dem
 quinto esse also / aurum potabile / aqua
 margaritarum / quintum esse mandragore /
 aqua vite / oleū margaritarū / anodinū sum
 mū / quintū esse papaueris / materia gemma
 rum / quintum esse oppij / quintum esse lol
 lij / cancrorum ꝛc Vnd wiewol diß arznei
 nit allein inwendig sollen gebraucht wer
 den / sonder auch etlich auß ihnen außwen
 dig / als das sumum anodinū quintū esse pa
 paueris / quintū esse mandragore esse / esse
 opij / quintum esse lolli / damit die stett vnd
 ende sollen gesalbet werden / so ist doch das
 vnser brauch dessen wir vns geübt haben /
 Recipe essentie opij ein quint / essentie man
 dragore siben gran / essentie lollij ein scru
 pul / papaueris ij. quint / hyosciami iij. quint.
 Auri potabilis j. lodt / aqua cordis andert
 halb lodt / diß misch zusammen in ein mix
 tur / daruon gib morgens vnd nachts vnd
 mittags vier tropffen in einem guten wein
 auch guten wasser biß zu ende der heilung /
 vnd darzu laß die eusseren glieder salben /
 mit diser salb / Nini summi anodini j. lodt /
 olei nucis muscate ij. lodt / olei musci j. quint
 misch

misch zusammen das daraus ein salb werd/
 Damit salb die fürnembste end der küßlich-
 keit/ als vnder den achsen / am hals/ 2c. Vñ
 ist das regiment wie wir in der gefengknuff
 gesetzt habē zu mercken/dasselbig zu halten/
 vñ doch mit in solcher strenge solt als wir de
 lasciuis setzen/darumb das auch etlich's teils
 tristitia eingefürt wirdt/vnd alteratio cor-
 poris per abstinentiam/damit haben wir de
 choree cura genug gesagt/ vñnd wellen also
 beschlossen haben.

Das vierte Capitel de cura suffocationis intellectus.

Als wir auch in dem vierten capitulo
 de origine suffocationis intellectus
 gesetzt haben / melden wir hie in disem vier-
 ten capitulo sein cur vñnd heilung über die
 suffocationes intellectus et sensuum / Vnd
 haben dreyerley derselbigen frantcheiten
 suffocationis gesetzt / wollen wir die erst am
 ersten außrichten vnd anfahen / So wird

Vonder medicin

in dem vhsprung verstanden das sie kumpt
 auß den würmen/vnd ist die also/Nimb co-
 locinthidis / esule / harmelli / hellebori nigri/
 jedes ij. lode/ Scammonee ij. lode/ Polipo-
 dij/ Sene jeglichs sij. lode/ Agarici vj. lode/
 Mellis despumati/ vini boni/ Ana iij. pfüt/
 aceti modici adde/ diese stück seud also zusam-
 men/ darnach so sie auff jr genügte gesottē/
 so coliers/daruon gib zu trincken einen zim-
 lichen drunck/ nach geduncken der franck-
 heit/demnach so diese operation des laxatijs
 genugsam gewirckt hat/ so gib vber ein lür-
 ke aber eins/das thu nach geduncken so viel
 als node ist/ dann diese artzney nicht allein
 auß der proprietet/sonder auch auß der spez-
 ifica die würm vnd ihre nester hinweg trei-
 bet/vnnd kein würm darinnen mehr wach-
 sen/Demselbigē nach/gibt die medicamen-
 ta ein/so wir contra caducum setzen/in der
 selbigen dosi/so werden die paroxysmi alle
 hinweg genommen in alten vnnd jungen/
 vnnd wird da kein priuation der vernunfft
 nach anzeigung der würm zu keinen zeiten
 erfunden/Vnd wiewol das ist das noch vil
 adpropriata vnnd specifica vnnd empirica.

darzu

Suffocatonis intellectus.

Darzu gehören vnd dienen / lassen wir es
aussen / dann wir haben die nicht aus vnser
experientia / sonder wir glauben denen auch
die sie sehen / vnd sehen hie allein die an / die
vns durch die experientz angestossen vnd be-
wert seind / vnnd doch gleichwol die andern
auch zu nutzen seind.

Also auch wir hie zu dem andern die cu-
ram suffocationis setzen von den suffocatio-
nen so den frauen begegnet auß der mutter /
wie wir im vierten capitulo erzelt haben /
anfenglich / So ist dieselbig cura also / vnd
wird in drey weg verstanden / einem durch
außwendige salbē / Den andern durch reü-
chen / Den dritten durch einnehmen / Vñ
ist dise zuuerstan durch die salben / das sie
durch krafft der erwärmung mag ein solche
francfheit stillen / vnnd doch nicht ganz ne-
men / vnnd ist doch ein furtreffliche hilff den
anderen zweyen wegen zu helffen in der hei-
lung / vnnd die salbung geschicht durch dis
recept / *Recipe olei topfi ex solis floribus / olei
anethini ex sine additione / solo viridi ane-
tho / ana / vnciã vnam / olei oliuarũ et amig-
dalarum ana vnciam dimidiam / balsami /
mastici*

Von der medecin

mafticis/drachmas duas/mifch vnder ein-
ander / damit falb ſie vmb den nabel vnn-
im hertzgriebli / vnd leg auff jren bauch di-
fen ſack vor wol hingefotten / Accipe arthe-
miſie / camomille / büch aſchen / ana fünf-
hand vol / vnnnd ſo du alſo in ſolcher arzne-
biſt vnd geordnet haſt / vnd ſihſt das die ſuf-
focation nicht will auffhören / ſonder dem
caduco zu viel vnnnd alſo erſchrockenlich ſich
erzeigt / ſo mach jhr ein rauch pertritorium
ad matricem mit diſen dingen / der allein
genugsam iſt alle ſuffocationes matricis zu
nemmen / vnnnd ob ſie ſchon zu dem todt we-
rent geneigt / Nim verrucarum equorum
genuum vnciam vnam / aſe fetide drach-
mam vnam / cornuum et angularum capre
drachmas duas / ſtoß ſie klein vnd miſchs zu
ſammen an ein puluer / derſelbigen zünt ein
ſcrupel an / vnnnd brauchs wie die gewonheit
iſt / diß zeucht vom hertzen die ſuffocation /
vnd entlediget das haupt / leüteret das hirn /
reiniget die matricem / vnnnd entlediget den
ganzen leib mehr dann müglich. Nun
merck / ſo du nicht ein vollkomne hülfß ſpü-
reſt oder vermerckreſt / ſo gib jnwendige arz-
ney

Suffocationis intellectus.

ney/dañ sich begibt vil / das die natur durch
den paroxisimum also zerstört wird / das sie
one confortatiuen nit mag genugsam der
peccanti materien widerstehn/vnd ob schon
die suffocation nach hett gelassen vnd auff-
gehört/ so folge nach mit disem confortatif/
vnd ob du dasselbig nicht haben magst/so
seind die wie hernach folgen confortantia
matricis gnugsam die natur zu stercken.

Confortantia.

Recipe auri potabilis/materie perlarum
etliche lesen sulphuris jedes ein quint/ quin-
te essentie anodine / quinte essentie hyoscia-
mi jedes ein halb quint misch zu sammen
gib daruon ein trünecklein scrupulum vnñ
allemal in der sechsten stundt.

Confortantia matrick.

Materia perlarum / Materia corallo-
rum / Materia cristalli / Quinta essentia
opij / Quinta essentia papaueris / Quinta
essentia hyosciami / q. ess. stercoris et sic de
alijs similibus contra colicam.

Vnd

Von der preservation

Vnnd so ist auch zu mercken von dieser suffocationibus so sie nicht allemal an ihnen weren / sondern zu etlichen zeitten / das einer solchen frauen soll vorkommen werden / wie wir de preservatione setzen vnd hie lassen außbleiben.

Von der dritten wollen wir curam der gleichen setzen / die allen gleich kumpe / vnnd in vil mancherley weg / vnnd wollen vnder diese cur begriffen haben alle gemelte geschlecht die in capitulo de suffocationibus beschriben seint / nam simili cura curantur / Das ist zu verstan / das kein sunderlichs medicamen darzu gehört / dann allein die daraus quinta essentia gemacht sein / vnnd das auß vil vrsachen / vnnd am meristen das sie alle auß schwache der natur kommen / darumb sie bedörffen deren arkney / die die natur stercke / vnd durch die stercke werden die suffocationes alle vertilget / darumb so wollen wir hernach anzeigen die so darzu dienen / vnnd in der quinta essentia standen / vnd sein diese nachuolgenden.

Aurum

De preservatione.

Fortiora.

Aurum potabile / Appropriatum sanctum / Elixir membrorum / Succus gemmarum / Maximū simplex / Succus gemmarum / Arcanum vitrioli.

Mediocria.

Oleum auri / Oleum argenti / aqua aurifera / Materia perlarum / Aqua specifica / Materia corallorum.

Minora.

Oleum ferri / Oleum croci / Oleum Saturni / Oleum Mercurij / Oleum Jouis / Oleum cristalli / Oleum sanctum / Quinta essentia sanguinis / Quintum esse carnis / Quintum esse panis.

Grandia repugnantia.

Quinta essentia opij / Quinta essentia Mandragore / Quinta essentia lollij / Quinta essentia papaneris / Quintum esse gemmarum / Quintum esse tartari / Quintum corallorum / Quintum Sulphuris / Quinta essentia antimonij /
Alfo

Von der preservation.

Also wollen wir diese cur bey diesem bleiben lassen/dann sie sein nicht zu verbessern/vnd mögen nicht verbessert werden/ dan durch jr natur vnnnd krafft nicht allein suffocationes austreiben werden / sonder der todt/als wir de quinta essentia melden/vnd de mente et vita/darbey wirs hie bleiben lassen vnd weiter mit de alia cura procediern vnderstehn.

Das fünfft Capittel
de cura Vesaniorum.

Swollen wir jeh das fünfft Capittel vonn den vnvernünftigen menschen die heilung derselbigen verzeichnen/vnd ihr seind viererley geschlecht / vnnnd in vier cur wollen wir sie auch setzen / Am ersten von Lunaticis/so ist die cura das man der attraction des Mons vnd der gestirn fürkorn/also das ihr widerstanden werde gleich so ein dach wider die Sonnen gemacht wirdt/das das so vnder der Sonnen ligt/nit mag vonn der sonnen zerstört werden auß seinem we-
sen/

Der vnſinnigen.

ſen / Alſo in gleicher weiſe de lunaticis zu
verſtehn iſt / vnnnd das alſo. Am erſten iſt zu
mercken / das die gewalt des Moncs ſo er
in vns hat / durch die gewalt der arzneyn
genommen mag werden / vnnnd die gewalt
der Sonnen dergleichen / Alſo auch aller
anderen ſternen vnd influenz / die vns ſol-
che krafft von vnſerm leyb außziehen / vnnnd
das verſtandt wider durch den magneten
der an ſich zeucht alles eyſen vnd ſtahl /
ſolch krafft wird im genommen an im ſelbs
vnd auch am eyſen / dan das eyſen ſo geſalbe
wird mit oleo Mercurij / das wird von fei-
nem magnet angezogen / Deſgleichen der
magnet der mit lauch geſalbet wird nim-
mermehr nichts an ſich zeucht / In ſolcher
geſtalt ſollen wir verſtan das etlich arzne-
yen ſeind die wider den Mon ſtreben / Et-
lich wider Martem / etlich wider Solem /
etlich wider Jouem / etlich wider alle ge-
ſtirn / darumb du betrachten ſolt / die Luna-
ticos oder influenticos / alſo wider zu ver-
nemen durch ſolche arzneyn / das du ſie ein-
gebeſt / vnnnd brauchſt / nach dem vnnnd der
Mon in krefften iſt / deſgleichen die ande-

re planeten vnd sternenn / Das wir dass de influentijs vnnnd quinta essentia lauterer schreiben. So seind also sieben planeten vnd siben metallenn / Vnd wird vns durch die experientz anzeigt / das die siben metallenn kraft haben in vns wider die siben planeten / Darumb welcher planet umbstürmet ein corpus / desselbigenn metals quinta essentia soll wider in gebraucht werden / Als quinta essentia auri contra solem / Lune contra Lunā / et sic de reliquis / so ist das auch zu verstehen / das quinta essentia auri wider sie alle ist von wegen seiner specifica vnnnd grossen krafft die sie dem herzen gibt / durch das sollichs alles außgetrieben wird / als wir de septem membris erzelen / vnd also de lunaticis genug interpretiert haben. Zum andern wollen wir von den insanis die solche vnnsinnigkeit auß erbtheil vnnnd mutter leib gebracht haben curam setzen / vnd deren sündt zwo / Ein preseruatif / dieselbig ist vnns gehört vatter vnnnd mutter zu / die vor solchem sein mögen / das auß dem kindt kein gleichnuß auff sie anhangen in solcher gestalt / die ander gehört dem zu der vesanus ist. Die erst cura soll

De vnsinnigen

soll also beschehen / die dann nit ein cur son-
ein perseruatiſſ ſoll geheissen werden vder
expulsiſſ. Parentes non debent exercere coi-
tum naturalem sed artificialem / et hoc ita/
Quando appetitum habent coeundi / tunc
ista insanitas regitur / et fit ab isto coitu / si fit
in insanitate et quod insanitas ipsum indu-
cit / tunc puer insanitur / Si autē non in in-
sanitate coitur / et coitus procedit / tunc puer
nō insanitur / et sic sequitur cura quod appe-
titui naturali nō satisfaciat / neque coeat cū
appetitus fit a se ipso / sed immediate immi-
tat in aquā frigidam mentulā / et expelletur
coitus et extinguetur / et cum extinctus fuerit
immediate per artē inducatur / tunc coitus
ille habet inensationem / et allectionem per
medicamina / tunc sequitur actus natura-
lis secundum naturam et non secundum
mentem vel voluntatem insanie / Et si
coitus quotiescunque voluerit prouoce-
tur per medicinam verus et bonus est /
Et videndum in hoc quod ipsa natura non
fit insana / sed perfecta in se. Si autem
tandē insanus fuerit vel quotidiana insa-
nitas / tunc quotidie coitus per medicamen-

ta potest fieri / Et si primus puer perfecte
 non liberetur / tamen proles eius liberabi-
 tur per dictum modum ab insania. Da
 ist auch zu mercken das die insani vor
 dem coitu sollen confirmiert werden mit
 der quinta essentia / Dann durch dieselbig
 werden die spermatica membra custodiert
 ab incongruo et inconuenienti / das nit also
 grobe geburt gschehen mögen in die vnuer-
 nünfftige geschlecht. Die ander cura gehört
 den insanis zu / vnd ist also / jr heilung ist nit
 möglich zu vertreiben ihre vnfrüige krank-
 heit / es sey dann sach / das ihnen die comple-
 xion vnnnd humores gar umbkert vnnnd ver-
 wandelt werden / also das die new comple-
 xion starker vnd mechtiger seye dann die al-
 te / dardurch die natur ein solche hülfent-
 pfinden mag durch die sie abhin stoßt / vnd
 diß vmbkerten beschicht in zwen weg / Einer
 durch confortatiua / Die ander durch se-
 datiuua / Confortatiua sollen sein allein von
 den quintis essentis / als ist quantum esse
 auri / perlarum / argenti / corallorum / anti-
 monij / sulphuris / Mercurij / saphiri &c. Des
 gleichen die sedatiua sollen auch allein sein
 von

der vnſinnigen.

von den ſedatiuis quinte eſſentie / als dann
iſt mitigatum magnum / Anodinum tem-
peratum / gemma ſoluta ꝛc. durch diſe wie
iſt angezeigt ſind / mögen vñnd ſollen die ve-
ſani wider zu recht kommen das ſie in kein
vnſinnigkeit mehr fallen / noch entpfunden /
dann in ein andern weg iſt es vñnmöglich
furzukommen mit dem grundt / wiewol doch
vil ander ſtuck darfür zu brauchen ſind de-
ren wir keins ſehen / noch nod iſt zu melden /
Zum dritten wollen wir de Veſanis tra-
ctirn die do durch eſſen vñnd trincken vñnd
ihrer vernunfft kommen vñnd zerriit wer-
den / als wir in cap. de pruatione ſenſuum
melden / denſelbigen ſoll alſo geholffen wer-
den / vñnd am erſten verſtand zwen weg / der
ein iſt ſpecialiſch / der ander ſedatiuiſch.
Specialiſch ſolt alſo verſtehn / das die arz-
ney ſpecialiſch ſoll ſein von deſgleichen da-
uon das eſſen kompt / alſo beſſer zu verſtehn /
das die arznei daſſelbig vnſinnig giffet hab
zu tödten eh vñnd ſie geſſen werde / da ſolt
vñns alſo verſtehn / Ich ſehẽ ein würde ein
vnſinnigkeit zugefüegt mit faſen hirn / ſo
ſoll die arznei ſein das ſie das faſen hirn

Cura

tödtē / als dann etlich kreuter seind die die
kazen tödtē / so sie dieselbig schmecken oder
essen / darumb das es wider ihr hirn sonder-
lich specifciert ist / Also wollen wir auch so
ein mit kazenhirn vergeben würde / das er
also mit solchen kreutern geheilt sol werden /
vnd also so einer von einem druncck verzau-
bert wird in ein liebe / sol er auch die desglei-
chen die liebe vertreiben / damit der dreck
verdriben wirt / vnd wollen also de specialis-
bus auffhören / dann wir wollen von vns
nit lassen aufkommen / wie man die leute
verunreinige / darumb haben wir auch auff
die arznei einigs darwider zuschreiben vnd
die sedatiua ist / geschicht aus dem quintis
essentijis die es allein mögen stillen vnd ne-
men / vnd kein anders / Vnd sind die sedati-
ua / Aurum potabile purpuratum / quin-
tum esse lune / opiata ec. Vnd wiewol da sol
vil betracht werden / wie wir dann in der
Theorica angesehen habē / so ist nit der natur
müglich zu finden noch den gemeinen res-
cepten ein jeglichen sein volkomne arznei
/ darumb allein durch die quintas essen-
tias solche vesanie genommen vnd entzogen
sollen

der vnsinnigen

sollen werden/die da vermischet sind mit der
 quinta Essentia/vonn opio/vonn papa-
 uero/von lollio &c. Vnd die quinta essentie
 sollen sein von gold vnd silber/von Cheli-
 donien vnnnd dergleichen/ wie sie sonderlich
 in quinta essentia anzeigt werden/ auch de
 gradibus maioribus supra quintam essen-
 tiam / dann da ist kein arzneij die solch speiß
 oder verzaubert tranck mög weg nemen/
 darumb nit zu vnderstehn ist den leib zu
 purgieren noch in solchen weg das gifte
 hinweg zu nemmen/dann es hilfft nit/ auß
 der vsach/ das die vnsinnigkeit in spiritus
 vite ist/in dem kein purgation operiren
 mag/ darumb allein zu dencken ist die con-
 sortatif zu brauchen/ damit der spiritus vi-
 te vberherrscht wirt/vnd also das auch ersitz
 vnd abstirbt. Zum vierten/von den melanz-
 cholicis die da von eigener natur also zerrit
 werden/ in denen kein vernunfft sonderlich
 ist/sonder die complexen dreffen sur/vnd vns-
 derdrucken die vernunfft vnnnd regieren sie
 nach ihren sinnen / dieser melancholien cur
 hat zwo auffsetzung/ Eine durch was comp-
 lexion sie entsprungen sey / Die ander

Cura

durch was sie zu verdreiben sey / vñnd das
 wird also verstanden / Ist sie melancholisch
 so solt darzu brauchen contraria / als der
 melancolicus est traurig / so mach in durch
 lachende arznei gesundt / Ist er zu lachend /
 so mach in gesund durch traurige arznei /
 vñnd das verstand also / Es sind etlich arz-
 ney die do zu lachen machen den menschen /
 vñnd alle die frantzheit die von traurigkeit
 kommen hinweg nehmen / vñnd ein frölichs
 gemüet einführen / vñnd nit das ein accidens
 sey / also das es ein lachen mit trauren were
 ohne vertreibung des vrsprungs der trau-
 rigkeit / sonder die traurigkeit wirt hinweg
 genommen / Also auch arznei sein / die do
 den trauren einführen / in der gestalt / das sie
 stillen die vnzimliche lachende geberd / vñnd
 die zu vil vngebürliche freud / in dem so sol-
 ches gewendet wird / so wirdt die vernunft
 wider ledig / vñnd mag wider in dem alten
 weg in sürriche gedechnuß tragen / vñnd ist
 in dieser practic zu mercken / das solche arz-
 ney auch allein zugeht durch essentiam / in
 deren dann ein solche temperation ist / das
 sie die natur wider ar: den rechten weg
 bringt

Der vnſinnigen

bringe von allen zeichen/ Vnd ſind die ar-
 ney also zu erkennen die da dienen auff die
 melancholiſche krankheiten / die frölichs
 gemüt machen vñnd alle traurige dobigkeit
 aufstreiben/vñnd die vernunfft von der tri-
 ſtitia ledig machen vñnd ihren freyen lauff
 geben / als da ſind / Aurum potable / croci
 magiſteriū / ambracuata / cordiale graue /
 letitia Veneris/diſe machen die vnſinnig-
 keit mit zu vil vbriger freud vñnd geile ſtil-
 vñnd traurig recht nach der natur zc. Vñnd
 wiewol das iſt / das ſolcher melancholei vier
 ſein auß den vier complexionen / ſo iſt doch
 hie zu mercken / das nit betracht ſoll werden
 ein jegliche complexion ſein ſonderliche
 arney dieſelbig vnſinnigkeit zu vertrei-
 ben/ſonder allein mit den zweyen genug iſt/
 dann zwo complexion ſich vergleichen / als
 ſanguis vñnd cholera erzeigen ſich mit freu-
 den/wiewol ſie getheilt werden / eine frie-
 giſch / die ander nicht / ſo haben ſie doch ein
 heilung wie gemeldet iſt / die jhn beiden ge-
 nugſam iſt / Die ander zwo complexion
 ſlegma vñnd melancholia halten ſich auch
 gleich / darumb denſelbigen auch in ſolcher

Von der preservation.
gestalt soll geholffen werden/ vñ wöllen also
genug gesagt haben von diser melancholia.

Das sechst capittel von der Preservation.

So wir also von den andern fünff
capitteln außgered haben / wöllen
wir vns zu der preservation geben/ So wer
es wol / das einer jeglichen secten der vnfin
nigkeit ein sonder remedium solt geben wer
den / das sich dann zu vil vnd zu langwürde
verziehen / wöllen wir vns versehen mit ei
nem preservatif das den menschen behüt
von der ersten priuation der sinnen caduci/
vnd dergleichen von der Mania / vñnd also
auch für choream vñnd also auch von der
suffocationem / vñ priuationem sensuum/
So ist ein semlichs one grosse kunst der se
paration nicht zu machen / sonder allein
durch die quintas essentias soll vñnd muß
ein sollichs zu wegen gebracht werdē / die da
durch wunderbarliche krafft / disen priua
tionen allen / vorkommen / dann es nicht bes
darff einer kleinen krafft vnd tugent / wider
ein

Von der Preservation


ein solche grosse vñ vbertreffentliche Krankheit wol zu bewaren vnd zu verhüten/ Darumb so wollen wir anzeigen die so da gewalt haben der priuationen sensuum/ Vnd wiewol durch minder arhney als in simplicibus vnd gemeinen compositis/ vnd durch regiment vnd guter ordnung solchen auch mag furkoffen werden / so setzen wir nicht darvon/ darumb das sie selten helfen/ deß dann in quintis essentijs nicht ist (es were dann morbus hereditarius/ als wir de sanitate et egritudine setzen/ fur den kein arhney ist noch gewachsen) vñ seind dieselbigen also.

Aurum potabile/ Oleum Auri/ Oleum Argenti/ Oleum ferri/ Oleum Mercurij/ Oleum Saturni/ Oleum Iouis/ Oleum Veneris/ Oleum vitrioli/ Oleum tartari/ Oleū antimonij/ Oleum sulphuris/ Quinta essentia auri/ Quinta essentia argenti/ Quinta essentia ferri/ Quinta essentia Mercurij/ Quinta essentia Veneris/ Essentia Saturni/ Essentia Iouis/ Soluti coralli/ Soluti cristalli/ Solute gemme/ Solute perle/ Essentia melisse/ Chelidonie/ carline/ florum vtriusque hellebori/ **Opium**

Von der Preservation.

Spium magnum/ anodinum summum/
Essentia mandragore/ Essentia opij/ Es-
sentia papaueris/ Essentia Lollij/ Essentia
hyosciami/ aqua vite/ aqua aurea/ caponis/
sanguinis/ aqua soluens/ Elixir tincture/
Tinctura zc. Warumb ein solche krafft ist
vnd sey in disen arznehen/ lassen wir an-
stehn in libro de quinta essentia/ Vnd das
mit wollen wir **G D T** in ewigkeit loben
vnd dancken / vnd im namen der heil-
gen Dreyfaltigkeit enden / vnd das buch de
Amentibus beschliessen zu nutz den gemeis-
nen glaubigen vnd vnglaubigen / den bösen
vnd guten / den reichen vnd armen /
damit dz der vngerecht zu rech-
tem kumm/ vnd der recht
bleib im rechten/

Ammen



1420369810

200 An. 53. p. 17. a. p. 17. a. p. 17. a.

... ..

5795.96

